


ERYCI PVTEANI
EPISTOLARVM
SELECTARVM
APPARATVS

MISCELLANEVS, ET NOVVS:

IN QVO

Præter Officia familiaria, negotia,
studia, varia amoris ac bene-
volentiaë significatio.

CENTVRIA II.



ANTVERPIÆ,
Typis IOANNIS CNOBBARI.
∞. 156. XXXVII.

Cum privilegio Regis Catholicæ.

GRLOTEN
RCM
TBRID EMAN

ILLVSTRISSIMO V.
D. FERDINANDO

D E

BOISSCHOT,

EQVITI ORDINIS S. IACOBI,

BARONI DE SAVENTHEM,

TOPARCHÆ DE STERREBEKE,

OSSEGEM, ERPS, QVAREBBE, &c.

BRABANTIÆ CANCELLARIO,

A CONSILIIS STATUS, SANCTIORIBVSQVE

GALLICA BRITANNICAQVE LEGATIONE

INCLYTO,

GLORIÆ REGIS ET SALVTI PATRIÆ

N A T O,

CVIVS MVNIA NONNISI MERITA SVNT,

AVCTORITAS NONNISI HVMANITAS,

VIRTVTVM ET ELEGANTIARVM

PVBLCO PATRONO, SVO PRIVATO,

ERYCIVS PVTEANVS

EPISTOLAS HASCE AD PLVRES,

PARTIM MAGNOS, PARTIM AMICOS,

VNI ET MAGNO, VNI ET AMICO MAGNO,

TANQVAM SCRIBAT, INSCRIBIT.



EPISTOLARVM

I N D E X.

A.

A *Driano Stalpaertio, Abbati Tongerloënsi,* XCIII.

Egidio Bevetio, Quastori Regio, LXXIV.

Alberto Richardoto, Domino de Barly, LIII.

Aloysio Verreicken, Audientiaro, XXXV.

Alphonso Cuevio, Marchioni Bedmario,
Legato R. postea Cardinali, XXXVII.

Andrea Chiocco, & Petro Paulo Venturino, X. LXX.

Antonio Bruno, V. C. LXXXI.

Arnoldo Cathio, Soc. IESV Theologo, XCI.

Auberto Mirso, V. C. Principibus à Sacris, LXIII.

Augustino Neario, Summo Ordinis S. Crucis Praefecto, LVI.

I N D E X

B.

B *Althafari Robiano , Supremo Belgica Thesaurario, XVII.*
Bernardo Puteano , Iulia Procancellario, XXXVI.

C.

C *Arolo Cotta Suo, LXXV. LXXXII.*
Carolo De Bourgois, Consiliario Regio, XXIX.
Carolo Longevallio , Comiti Bucquayo, IX.
Carolo Scribanio, Soc. IESV, XI.
Christophoro de Benavente & Benavides , Summo militia Regia Censori, LXIX.
Claudio Doingies, Comiti de Coupigny, Sanctioris Aerarii Praefecto, XXVIII.
Conrado Butgenio, LXXI.

D.

D *Anieli Heinsio, V.C. XXVII.*
XXXVIII. LXII.
Dionysio

EPISTOLARVM.

Dionysio Guerino, Medico, XCIX.

*Dominico Avengochea, Senatori R. in
Curia Aragonum,* LVIII.

E.

E*lberto Pallantio, Decano Cli-
vensi,* XCII.

*Engelberto Masio, Consilii Sanctioris
Præsidi,* XXIV.

F.

F*ortunato Scaccho, Augustiniano,
Sacrarum Pontificii Præsido,*
XLIII.

*Francisco Kinschotio, V. A. Supremo
Belgicae Thesaurario,* LXI.

Francisco Pazio, Archiatro Regio, XX.

Francisco Sweertio, V. C. LXXXIX.

*Frederico Borromæo, S. R. E. Cardinali,
Archiepiscopo Mediolanensi,* XIX.
XCV.

Frederico Marselario Suo, LXV.

G.

- G** eorgio ab Austria , Prapofito &
 Cancellaria Lovaniensi, XII.
 Georgio Offelinski , Regis Polonia ad
 Magnæ Britannia Regem Legato,
 LXXX.
 Gerardo Corfelio, V. A. à Confiliis San-
 ctioribus, XXI.
 Geverharto Elmenhorftio, V. C. XXIII.
 Guilielmo Athenio Suo, XLII.
 Guilielmo Bernartio , Auditori Suo,
 & I. C. XXV.

H.

- H** enrico Bonero Suo, LXXXIV.
 Henrico Hirao , Ordinis Eremit.
 D. Augustini, XCVI.
 Henrico Lancelotto , ejusdem Ordinis
 Theologo, LXXVI.
 Henrico Stapedio, Soc. IESV. XVI.
 Henrico Suchteleno, Satrapa Carpenfi,
 XIV. XL.
 Hermanno Hugoni, Soc. IESV. XLIV.
 Hermanno

EPISTOLARVM.

Hermanno Mylio, Celeberrimo Viro,

LXXXIII.

Hermanno Samsonio, Inspectori Scholæ
Rigenfis,

XXX.

Hesselo ab Hermana, V.N.

XV.

Hieronymo Bossio, Eloquentiæ Profes-
sori,

LXIV.

Hugoni Grotio, V.C.

LXXII.

I.

IACOBO Merlo Horstio, Populari Suo,
LXVIII.

Iacobo Rolantio, Contubernali suo,
postea Cursorum Antuerpiæ Pra-
fecto;

LI.

Ioanni Baptista Avogadro, V.C.

LIX.

Ioanni Baptista Sacco, Senatui Medio-
lanensi à Secretis,

XXXI.

Ioanni Bembeno, Suo, V.C.

LX.

Ioanni Brantio, V.C.

C.

Ioanni Conenio, Monasterii Tonger-
loënsis Priori,

LVII.

Ioanni Francisco Slingelantio Suo,

XLV.

I N D E X

Ioanni Iacobo Chiffletio, V. C. LXXIII.

LXXIX.

Ioanni Maldero, Episcopo Antuerpiensi,

XEVII.

Ioanni Meursio, V. C.

VIII.

Ioanni Philippo Pareo, V. C. XXXIII.

Ioanni Puteano, fratri suo, XCVII.

Ioanni Resimontio, Pastori Vvesemaliensi,

XCVIII.

Ioanni Strigelio Suo,

XCIV.

Ioanni Villele, Iustitiæ Militaris Summo-Præfecto,

XVIII. XLI. LIV.

Ioanni VVeytzio, V. C.

LXXVII.

Ioanni VVouerio, V. A. ex Assessoribus

Ærarii Sanctioris,

XLVIII.

Iulio Aresio, Præsidi Senatûs Mediolanensis,

I.

Iusto Reisenbergio, I. C.

XLIX.

M.

M *Artino Persao, P. C.*

II.

Matthia Leueo,

LXVI.

Maximiliano VVitebortio, Consiliario Regio,

LXXXVII.

Nicolao

EPISTOLARVM.

N.

Nicolao Danilo VVicio Zuronvia,
Polonia Theſaurario, XXII
Nicolao Pelloquino, V.C. XXXIV.

P.

Petro Andrea Canonherio, VII.
Petro Bertio, V.C. LXXXV.

Petro Paulo Venturino, IV. X.

Petro Pecquio, Brabantia Cancellario,
LII. LXVII.

Petro Puteano, Supremo Iudici Caſtro-
rum, XXXIX.

Petro Richardoto, Abbati Epternacenſi,
XIII.

Petro Scriverio, V.C. LXXVIII.

Petro VVeymfio, I.C. V.

Philippo Chiffletio Suo, L. LXXXVIII.

Philippo & Petro Gudelinis, fratribus,
& Iureconſultis, XLVI.

Raphaëli

INDEX EPISTOLARVM.

R.

R Aphaëli Montorfano Suo, XC.
 Remaclo Robertio, *Annonæ Mili-*
tariæ Praefecto, LV.
 Richardo Stanihursto, *Vicario Exerci-*
tus, XXVI. XXXII.

V.

V Alerio Euristio, VI.
 Vincentio Marinerio Valentino,
 V.C. III.
 Wolfgango Vilhelmo, *Duci Neobur-*
gico, LXXXVI.

EPI-

EPISTOLA I.

Mediolanum.

ERYCIUS PVTEANVS

BAMELRODIVS

IVLIO ARESIO,

Præsidi.

S. D.

FRustrà cæli, Illustrissime Præ-
ses, nisi & stellæ sint: frustrà
Urbes, nisi & Viri. Vestram ego
quoties ad memoriam voco, repè-
risse in terrâ stellas videor; aut cer-
tè viros cælo oriundos Quæ lu-
mina! quæ decora! Sed profectò

----- *micat inter omnes*

• **IVLIVM** *fidus, velut inter ignes*

Luna minores.

Vt sic loquar, suadet nomen, & res-
ipsa cogit. Inter viros Deus es, in-
ter stellas fidus: & nōne Solis li-
ceat appellationem usurpare? Spar-
git

git se virtutum tuarum jubat, non
Alpium jugis, non regionum spa-
tiis impeditum, & in remotos Bel-
garum fines penetrat. Ecce incale-
scimus sub frigidis locati astris po-
puli, & ab Italia prisca doctrinam
exempli prudentiamque agnoscimus:
in uno viro animum, sæculo
non uno majorem. Quæ dicis, Rei-
publicæ causâ, & facis, hac laude
digna sunt: observantur ab omni-
bus; à SACCO verò, & MONTOR-
FANO studiosè perscribuntur. Sic
enim dicis omnia, sic facis; ut ore
Apollinem, & Minervam; pectore
Consuem, & Themidem exprimas.
Tot etiam virtutibus accedit hu-
manitas, quæ me potissimum spe-
ctat, & in admirationem rapit. Me,
inquam (nec fallor) quem loco jam
& lare alienum, eruditione & in-
genio mediocrem, tanquàm civem
amas; tanquàm clarum laudas; sed
amando laudandoque ostendis,
tuum

tuum esse. Quia igitur tuus, jam quodammodò civis, & clarus sum; & aliquam pariter stellæ imaginem assumo. Lucere incipio, sed à majori fidere: ab amore, velut igni, radios experior. Sic amer porrò, sic illustrer! grati saltem animi professione merebor. hanc fortunam; ostensurus semper, à quo amer, à quo illustrer. Vale Vir Summe. Lovanii, in Arce, Kalendis Martijs, 60. IOC. XIX.

EPISTOLA II.

MARTINO PERSÆO,

Poëta Casareo.

TAndem à PVTEANO litteræ in-
 quies: & quidem sine vere-
 cundiâ tardæ. Etenim postquam
 cessare cœpi, audacia silentii crevit.
 Sed quid? accessit morbus; ille gra-
 vis, & diuturnus, cujus nunc etiam
 septus reliquiis premor, partim,
 quod miretis, felix, partim infelix.
 Felix,

Felix, quia per justitium hoc quoddam à negotiis alienus; infelix, quia à studiis. Tam enim miserum mihi nihil agere, quando à studiis abstinendum est, quàm jucundum otia-ri, quando negotia molesta sunt. Nimis profectò verum est, *Vitam sine litteris mortem esse, & vivi hominis sepulturam*. At ego, an per morbum vixerim, vix equidem scio. In lectulo, tanquàm sepulchro, jacui, mortuo tamen dissimilis, quòd ad vitam essem rediturus. Nunc etiam ne prorsus ingenium torpeat, molli-ssimo scribendi genere me oblecto, Epistolarum. Cum amicis colloquor, quia adhuc cum libris non licet: & in illis libros invenio, quia librorum fructum. Quidni in te quoque, mi PERSÆ, qui doctissimus es, & ingenii famâ Orbem jam cultiorem imples. Sed obsecro, quàm celebris, tam mihi benignus sis. Tuas exigo Litteras, ut meo
ignoscere

ΕΠΙΣΤΟΛΑΡΥΜ ΑΡΡΑΤΥΣ. 5
ignoscere silentio videaris, cū
scribes; dabo litteras, ut commis-
sum errorem diluam. Vale.

ΕΠΙΣΤΟΛΑ ΙΙΙ.

Manuam Carpetanorum.

VINCENTIO MARINERIO VALEN-
TINO, V. C.

ΑCcepi verò litteras tuas, &
avidè, imò ἀσπαραγματικῶς legi.
Hem, tam effusum te esse! Rivos
laudas, & flumina ipse ducis, imò
hauris. Vt ista molimina sunt, capis
quicquid elegantiarum est, & ex-
undas. Sed hoc profectò mirum: è
Græco fonte laticem te tam Latin-
um promere. Verterat suum hoc
ipse epigramma HEINSIVS; sed jam
nec erubescet tuo apud gentem to-
gatam ore loqui. Videamus igitur
reliqua feliciter sic translata, in
MARINERIO HEINSIVM quoque
habituri, in HEINSIO MARINE-
RIVM. Quidni sic sentiam?

---- μάλα γάρ σ' ὀρώω καλῶντε μέγαντε.
b Alte-

Alterum Epigramma, quo & laudes meas, & simul nomen exprimis, dum oculis, *ἰαυῖ μὲν* est. Serviunt nomini primæ cujusque dictionis litteræ; dictiones laudibus. Multum, ita me Deus, amas, qui sic scribis: sed ego facilius amoris jam exemplum, quàm scriptiōis sequor. Languo enim à molesto ac prolixo morbo, qui vires & vigorem exhaustit, & me, ut sic dicam *μὲν ὁ χαμμὸν* fecit. Desino, igitur: scribere, inquam, non amare. Ut utrumque tu facias, rogo. Vale.

EPISTOLA IV.

Veronam.

PETRO PAVLO VENTVRINO.

Quem ignotum, possis & nunc inhumanum appellare. Ecce ante menses aliquot litteras, tuas accepi, & filui. Litteras, sed delicias, & melle suo stipatas. Tam suavis meherclè & fecundus amor est,

est, ille honesti fomite accensus. Sic te verò scribentem, absit ut ignotum ego dicam: humanum verò bonâ mihi fiduciâ audebo polliceri. Nisi excuses silentium meum, indignus litteris tuis sum: ut excuses, humanitate opus. Sed ego, cum scribere possem, distuli; cum vellem, non potui. Repentè enim in morbum coniectus, viribusque imminutus, umbra magis hominis, quàm homo jacui, ac prorsus videbar vitæ meæ fabulam clausurus. Humanâ propemodum ope destitutum respexit Deus; vivere me voluit, & ad pristina ingenii munia redire. Hæc aggressus sum; lentè tamen ac remissè, quia non omnino adhuc serenus. Post tempestatem nubium, etiam reliquæ sunt, liberumque Solis jubar impediunt: sic se, morbus habet, nunquam tam benignus, ut totus ac repentè abeat. Via ad sanitatem

languor est. In hoc languore igitur scribere volui ; sed qualescumque litteræ futuræ essent , silentio meliores. Promittere volui, quicquid ab homine fideliter noto, & humano possis expectare. Vale.

EPISTOLA V.

Bruxellam.

PETRO VVEYMSIO, I.C.

*postea in Supremâ Belgii Curia
Senatori Regio.*

REmitto LIPSI in Florum Notas. Breves, & paucæ sunt ; sed LIPSI sunt, & hoc satis ad commendationem : in Florum sunt, & vel ideo æstimari dignæ. Quis brevius & simul plenius, quis ingeniosius & venustius tantam rerum gestarum molem ex Antiquis repræsentavit ? Aliorum conatus citeriori deinde laude stetit. Operæpretium sit, semel hunc Scriptorem dare, qualis

qualis aliquando fuit, & adhærescentes adhuc maculas criticâ spongiâ elutum ire. Non contemnenda subsidia liber Manuscriptus; qui penes me, suppeditet: ex quo hoc specimen depromo Lib. I. cap. XVII. legi solet: *Hactenus Populus Romanus bellum cum singulis gentium: mox acervatim, tamen sic quoque par omnibus. Etruscorum XII. populi in id tempus incitati, antiquissimus Italia populus Samnium, reliqui in excidium Romani nominis repente conjurant.* Ecce sanus, ut videtur, locus, vulnera sua regit. *In id tempus incitati, γήστωρ* mihi nequaquam est. Liber, *intacti*; & *Vmbri* inferuntur: *Etruscorum XII. populi, Vmbri in id tempus intacti.* Vmbros quoque secundo loco recenset Orosius, lib. III. cap. XXI. *Anno Urbis condita cccc. l. Q. Fabio Maximo V. & P. Decio Mure IV. Coss. quatuor fortissimi florentissimiq̃ue Italia populi in unum agmen fœdusq̃ue coiverunt.*

b 3

*verunt. Namque Etrusci, Umbri, Samnites, & Galli uno agmine conspirantes, delere Romanos conati sunt. Intactos verò in id tempus fuisse Umbros, in Livio videmus, lib. ix. Tranquillas res cum Etruscis turbavit repentina defectio Umbrorum, gentis integra à claudibus belli, nisi quòd transitum exercitus ager senserat. Gens integra, omnino intacta est. Iam quid hoc? Antiquissimus Italiae populus Samniti-um. Non enim Antiquissimi Samnites, sed Umbri. Ita Plinius, lib. iii. cap. xiv. Umbrorum gens antiquissima Italiae existimatur, ut quos Ombrios à Græcis putent dictos, quòd inundatione terrarum imbris superfuissent. Iisdem verbis Isidorus, lib. xiv. Originum cap. iv. quòd tempore aquosæ cladis imbris superfuerint. Ergò ἀπὸ τῆς ὀμβρίας. Sic quidem aut mendo-
 sus hoc loco Florus, aut Umbri exprimendi: ad quos melior distin-
 ctio sententiam, atque prærogati-
 vam*

EPISTOLARVM APPARATVS. II
vam Antiquitatis referet: *Etruscorum* XII. populi; *Vmbri* in id tempus intacti, antiquissimus Italia populus; *Samnitium* reliqui in excidium *Romani* nominis repente conjurant. Rectè *Samnitium* reliqui, quia vis eorum jam antea fracta. Argumentum capitis sic quoque concipiendum est: *Bellum Etruscum, Vmbrium, Samnitium, & Gallicum*. Quemadmodum in *Orosio*: *Etruscorum, Vmbriorum, Samnitium, & Gallorum contra Romanos conjuratio & clades*. *Florum*, ut vides, amo; sed *Tacitum* tracto, nuper etiam brevi encomio mihi laudatum. Quo effectu AFFECTVM expresserim, judica: judicet Amplissimus *Astrææ & litterarum Mysta CORSELIUS*, ad quem simul exemplar adjungo. Vale, & me ama. *Bruxellæ* nuper fui, sed valetudinis causâ domum subitò redii. Si aura permittet, sub finem anni me videbis. Iterum vale.

EPISTOLA VI.

Bruxellam.

VALERIO EVRISTIO.

LOvanium è Gugernis meis re-
versus, litteras tuas inveni, illas
luculentas, sapientiæ & facundiæ
plenas, modestiæ & candoris. Sed
quid ais, & quid agis? ut quas publi-
co mereris iudicio præconioque
laudes, rejicias? attrahis. Sole lu-
cente, diem quis abscondat? Virtu-
tes tuæ in omnium ore sunt; virtu-
tum nequit lumen occultari. Facis
laudanda, tu meus; tuus ego non
sim, si taceam. Amo pulchrum,
proximum est, ut celebrem. In te
amo, non potest silentio affectus
obmutescere: in te celebros, non
potest sine encomio iudicium ab-
solvi. Multi homines videntur pro-
fectò sine animo vivere, vitam in
arcâ habere: nemini nati, relin-
quunt morituri tandem nummo-
rum

rum acervos, quos aliena discerpant
aviditas ac dissipet. Quantò me-
lius, Fortunæ muneribus ad virtu-
tem uti ! facere quod laudem tem-
pestivâ liberalitate mereatur ! Vte-
ris, facis. Sed ut scias ad omnes om-
nino Belgas beneficia tua spectare,
ecce gratus ego omnium nomine
esse incipio : laudando agnosco,
quæ facis ; & accepisse videor, quæ
laudo. Cogita non minùs Putea-
num, quàm adolescentes illos tibi
obstrictos esse, in quos benignus
es : de universâ enim gente nostrâ
& Patriâ bene mereris. Hoc agno-
scere, nullum vitium est ; vitium
potius, non extollere. Quare, quàm
tibi honestum, generosa agere, tam
nobis, deprædicare : sæpè autem,
qui non laudavit virtutem, igno-
rasse visus est. Satis ista ad litteras
tuas. Inscriptiunculam verò, quia
sic placuit, in plura exemplaria ty-
pographus describet. B E M B D E -

14 ERYCI PVTEANI
NUM, & ATHENIVM ut amare
pergas rogo, & ut se amari etiam
mea causâ intelligant. Vale.

EPISTOLA VII.

Antuerpiam.

PETRO ANDREÆ CANONHERIO,
V. C.

E Pistolam tuam, aut potius
Pandoræ pyxidem inspexi, &
cohorruui. Siccine & naturæ & for-
tunæ malignitatem conspirasse?
Robur sume, mi CANONHERI, &
quia à corpore jam ægritudo de-
pulsæ est, cogita sperni posse, quic-
quid animo minatur. Vir es, & ve-
tus Sapientiæ alumnus. Pati posse,
primum felicitatis rudimentum
est. Atque hæc Doctorum Magno-
rumque virosum omni ævo con-
ditio fuit, negligi, sperni, premi.
Contrà assurgit Virtus, & in gloriæ
argumentum omnem sævientis
fortunæ

EPISTOLARVM APPARATVS. 15
fortunæ vim & malignitatem con-
vertit. Clari jam multi sunt, quia
miseri aliquando fuerunt. Primum
statue, te infelicem non esse, men-
tem tuam ab alieno nec arbitrio,
nec favore regi. Si nihil ad te perti-
nere vel miseriam, vel injuriam pu-
tabis, numini proximus eris. An
manifestius ullum divinitatis si-
gnum est? Tuo merito, non alienâ
opinionè tranquillitatem definies.
Non quid dicant alii, sed quid ipse
agas, trutinabis: lætus, intrepidus,
quia rectè agis; quia, ut de genere
humano bene merearis, non pecu-
niæ, sed doctrinæ ingenium impen-
dis. Quid verbis opus? ipsa te labo-
rum conscientia securum facit, &
supra homines tui ordinis attollit:
ut sic quidem domi, & à te conso-
lationem habeas. De Virtutibus
Vini dignum industriâ tuâ opus
erit: prome, & ostende, te aduersi-
tatibus non dejici: ostende, inge-
nium

nium tuum veluti vinum esse, & vigere; Fortunam tanquàm aquam, ac diffluere. Si Posteris verò scribis, cogita me inter illos jam esse. Admiror labores tuos, tanquàm ab alio ævo: quos faciliùs fortassis nonnemo hodie carpet, quàm præstabit, æstimandos ab eo, qui vel in parte intelliget. Vale.

EPISTOLA VIII.

Lugdunum Bat.

IOANNI MEVRSIO, V. C.

NON suavem tantum, sed & utilem Amicitiam tuam experior, Clarissime Vir. Ingenii namque tui felicissimi divitias mittere ad me pergis: post Orchestram Principes hos Tragicos, etiam in Reliquiis Magnos. Æstimo igitur munus, quia & ipsum magnum, quia & tu mittis. Perfice, perfice, quàm promittis BIBLIOTHECAM: te secundum tot librorum velut

Aucto-

Auctorem posteritas agnoscet. Sane quemadmodum non omnium olim fuit, sic scribere : ita non omnium hodie, sic colligere. Solertiâ & iudicio opus, industriâ & doctrinâ : quibus omnibus jam profectò consecutus es, ut alio sæculo vitam, alio ducere calamum videaris. Quid verbis opus est? Tuo beneficio redivivam Antiquitatis, & potissimum Græcæ, eruditionem expectamus : nec morientur ingenia, quibus tuum impendis. Plura vellem ; sed brevior me languor facit, à longo & gravi morbo adhærens. De Cometa tamen absolute *ἀπόδοξα* quædam ausus sum, ante morbum affecta ; quæ ad te propediem mittentur. Obtrudam mea, vel cum famæ damno, ut tua eliciam. Vale, vive, & Æternitate, quam pulcherrimo scito ubique inculcas, fruire.

EPISTOLA IX.

in Castra Bohemica.

CAROLO LONGEVALLIO,

Comiti BVCQVOYO.

AN interpellare audeo? sed solita humanitate tuâ fretus. E mea domo, hic meus abit, ut unus è mille fiat, Ioannes Battincurius, promptus, obsequiosus, fidus. Hunc commendo, à Minervâ ad Martem, à studiis ad pericula transeuntem. Verumenimverò, infelix non erit, qui tuo ductu, auspicioq; pugnaturus est; qui quoties Imperatorem suum cogitabit, ignavus esse non poterit. Suo quoque genio excitatus est, intrepidus, ac prorsus Martialis; ut soli Militiæ excoluisse ingenium videatur. Frustrâ eruditum voco; manu res gerenda est: Litterarum tamen ornamenta si laudari possunt, etiam in milite

EPISTOLARVM APPARATVS. 19
milite placebunt. Hoc pulchrum
puto, & gladium, cum opus, & si-
mul calamum movere. Pulchrum?
imò necessarium. Hic meus : cetero :
hic jam tuus, seipsum scribit, facundè
loquitur, paratus quidvis facere &
pati, quò fortis appareat, id est verè
tuus. Sic tui omnes sint; fortes, in-
quam, ut felices sint; verè tui, ut
hostem non timeant. Vale, vince,
ad nos redi, qui ut fortes ac felices
simus, tuâ & virtute & fortunâ in-
digemus.

EPISTOLA X.

Veronam.

ANDREÆ CHIOCCO,



PETRO PAVLO VENTVRINO.

ET suam bonus Amor fiduciam
habet, & fiducia amorem. Ecce
scribendi compendio utor, ut bre-
vitate copiosus sim: te Clarissime
CHIOC-

EPISTOLA IX.

in Castra Bohemica.

CAROLO LONGEVALLIO,

Comiti, BVCQVOYO.

AN interpellare audeo? sed solita humanitate tuâ fretus. E meâ domo, hic meus abit, ut unus è mille fiat, Ioannes Battincurius, promptus, obsequiosus, fidus. Hunc commendo, à Minervâ ad Martem, à studiis ad pericula transeuntem. Verumenimverò, infelix non erit, qui tuo ductu, auspicioq; pugnaturus est; qui quoties Imperatorem suum cogitabit, ignavus esse non poterit. Suo quoque genio excitatus est, intrepidus, ac prorsus Martialis; ut soli Militiæ excoluisse ingenium videatur. Frustrâ eruditum voco; manu res gerenda est: Litterarum tamen ornamenta si laudari possunt, etiam in milite

EPISTOLARVM APPARATVS. 19
milite placebunt. Hoc pulchrum
puto, & gladium, cum opus, & si-
mul calamum mouere. Pulchrum?
imò necessarium. Hic meus : erro :
hic jam tuus, scitò scribit, facundè
loquitur, paratus quidvis facere &
pati, quò fortis appareat, id est verè
tuus. Sic tui omnes sint; fortes, in-
quam, ut felices sint; verè tui, ut
hostem non timeant. Vale, vince,
ad nos redi, qui ut fortes ac felices
simus, tuâ & virtute & fortunâ in-
digemus.

EPISTOLA X.

Veronam.

ANDREÆ CHIOCCO,

&

PETRO PAVLO VENTVRINO.

ET suam bonus Amor fiduciam
habet, & fiducia amorem. Ecce
scribendi compendio utor, ut bre-
uitate copiosus sim: te Clarissime
CHIOC-

CHIOCCE, te Optime VENTVRINE,
 eâdem hâc epistolâ compello; ne
 tam conjunctos & amicos sepa-
 rem. Addo munusculum ad duos
 unum, & sic tanquàm ad unum. An
 frugalitatem meam excusabo? am-
 plius onerare tabellarium ausus
 non sum. Hoc igitur non scribendi
 tantum, sed donandi compendium
 est: quod profectò non aliter pla-
 cere vobis intelligam, quàm si non
 sequamini. Litteræ vestræ, imò &
 munera (illa ingenii intelligo) nu-
 merum faciant. Tuas, & tua mittes,
 CHIOCCE; tuas, & tua, VENTVRINE:
 sic à duobus me amari sciam.
 Extra jocum: quia non minùs oc-
 cupari hoc tempore, quàm conva-
 lescere cœpi, quibusdam velut di-
 verticulis utendum est. In inscri-
 ptiunculis illis vigor est; imò ignis
 est, & amorem spirat. Nunc de Pa-
 radoxis meis judicia vestra, imò
 vestrorum expecto. Ingenio & do-
 ctrinâ

EPISTOLARVM APPARATVS. 21
ctinâ præstantem Virum ANTONIUM MELCHIOREM salvere iubeo. Valet.

EPISTOLA XI.

Antuerpiam.

CAROLO SCRIBANIO,

Societatis IESV

in Provinciâ Belgicâ Præfetto.

QVæ de Cometa nupero Paradoxa scripsi, Vir Summe, mittere ad te gestio. Ne otiosum penitus & ignavum haberem morbum, sic occupari volui, tamque admirandum naturæ spectaculum ad litteras revocare. Statueram initio pauca tantum Academiæ nostræ auribus committere: sed quia morbus, è nocturno natus frigore, eloquentiæ consilium abruptit, mutavi, imò auxiformam, producto in Libellos Duos argumento; quorum prior Admiranda, posterior

c Timenda

Timenda familiari brevitare continet. Ipsum verò Cometam scribendo imitatus sum : ille à Sole, ego à nomine tuo lumen duxi, & produxi. De morbo certè meo agere non potui, nisi ut tuum, tanquàm meum, recenserem. Hic ingemui. Felix jam, non quia ego mihi, sed quia tu omnibus redditus es: felix, quia jam bis convaluisse videor, meâ semel, tuâ iterum ægritudine liberatus. Vale porrò : sic, tametsi ægrotem, extra morbum tamen semper ero.

EPISTOLA XII.

Bruxellam.

GEORGIO AB AUSTRIA,

Præposito, & Cancellario

Lovanienſi.

NUllam sine morbo ætatem esse, quotidiana exempla docent. Atque ego per hos aliquot menses

EPISTOLARVM APPARATVS. 23
menses expertus sum, in frangi, cum
minimè suspicèris, vitæ robur, at-
que debilitari. Adhuc igitur lan-
gueo, & tanquàm ægrotam ago.
Interea de tuâ quoque ægritudine
nunciatum, quâ non minùs affectus
sum, quàm si pariter hoc meo malo
malum accessisset. Respexerit verò
te jam Deus, audieritque bona bo-
norum hominum vota. Nam tua
salus, multorum est; tua vita, mul-
torum. Quare ut vivas valeasque
præ multis, multi optant: ego in
multis, vel ante multos, qui me
profiteor, non uno beneficio tuum
esse; & hæc quodammodò tua, quæ
ingenio molior. Talia Paradoxa
quoque ista, ante morbum quidem
meum præparata; verum in morbo
absoluta. Sic ægrotare, & quiescere
simul non potui. Bene scripserim,
si nihil in hoc Libro morbi inve-
nies: bene miserim, si te jam libe-
ratum morbo Liber inveniet. Ita
c 2 spero,

24 ERYCI PVTEANI
spero, & vitam atque robur ap-
precior. Vale.

EPISTOLA XIII.

Epternacum.

PETRO RICHARDOTO,
Abbati & Toparcha Epternacensi.

Q Vis novus hic Favonius, qui
flores spirat, & purpureo Ve-
re horridam non anni tantum, sed
sæculi hiemem expellit. Pietatem
THIOFRIDI tui, an Doctrinam
magis admirer, nescio. Illam si in-
spiciunt plerique hodie hominum,
frigora sua damnent, quibus indu-
rati sunt: hanc verò si examinent,
incalescere fortassis malint, quàm
inclarescere. Mihi sanè hic liber
admirandus, & verè ἀνθηδὺς visus
est. Dignus THIOFRIDVS, cui no-
va quædam, ut sic dicam, ἀνθοφώρα
dedicentur; dignus floribus, quos
spargit. Non potuit hoc tempore
magis

magis opportunum opus produci,
aut utilius adornari. A te produ-
ctum est, & quid nisi à novo THIO-
FRIDO? à ROBERTIO adornatum
est, & quid nisi à novo quoque
THIOFRIDO? Tua hîc pietas relu-
cet; illius doctrina; docta pietas, &
pia doctrina: sic juncta & velut
nexa, ut pium fuisse THIOFRIDVM,
& simul doctum agnoscamus. In
argumento pretium est, in stilo
amœnitas: Notæ ROBERTIANÆ
illæ, velut rosæ additæ sunt; pre-
tium pretio, amœnitati amœnitas.
Ecce quicquid laudo, munus est;
quicquid æstimo, ad me transmis-
sum. Ut obstrictum me fatear, mu-
nusculum repono: non flores pro-
fectò, sed quisquilias, & per mor-
bum hunc meum, in corollæ velut
speciem collectas. De Cometa nu-
pero PARADOXA sunt: an ægri
somnia? quicquid sit, sic scribere,
quàm otiosi malui: & fortassis non

omnino vanus fui. Iudicabis, & me amabis. MICHAELEM SCHLECH-
TIVM quidni complecti velim? Sen-
tiet quanti deditam virtuti atque
eruditioni indolem faciam, præ-
fettim benignitatis tuæ suffragio
commendatam. Vale.

EPISTOLA XIV.

Bruxellam.

HENRICO SVCHTELENO,

Satrapæ Carpenſi.

ABſentem profectò non puto,
quem in litteris ad me miſſis
cerno, & ſpè jam quidem latiori
erectum. Magnum hoc ſanè nego-
tium eſt, & animum quoque ma-
gnum poſcit: talem, inquam, qua-
lem poſſides. Conſtantiâ & inte-
gritate mereri magnorum favorem
perge: aderit quoq; lenis AVSTER,
& in optatum portum navem diu
iactatam referet. Confide: ſuavior
poſt

post tempestatem tranquillitas erit, securior post periculum quies: Quis unquam navigavit, & jactatus non est? vita, mare est; curæ, undæ; nec ab uno turbine oppugnamur. Hinc invidia spirat, illinc perfidia; hinc injuria, illinc iniustitia: quot venti, tot æumnæ; quot mali, tot hostes. Sed quid? bonæ causæ in maximo discrimine Castores affulgent, numinisque opem pollicentur. Habes clarissimæ virtutis, doctrinæ, dignitatis viros, KINSCHOTIVM, & ROSAM, lucida Belgicæ sidera, puros & incorruptos iustitiæ ignes, Helenæ, id est innocentiaæ fratres, & sic Patronos. Itaque majori jam fiducia cursum negotiorum diriges. Fugient venti, recedent nubes, & faventia omnia astra cælum ostendet. Tuum erit, quo animi robore iniquum Fortunæ onus tulisti; eâ moderatione reliquiis malorum eluctari. Viri

fortis est, magis victoriam, quàm vindictam spectare : magis etiam ignoscendo, quàm ulciscendo deprehendes, quantum ferre potueris. Vt etiam istæ litium pugnae sunt, nemo sine damno vincit : sed levior, honore recuperato, fortunarum jactura est. Vide an mollioribus quibusdam conditionibus remittendum sit, si quid judicii exitum possit impedire. Vide, inquam, & otio, quod desideras, apud me frui. Sic respirare post tempestatem poteris, & in Musarum contubernio refici. Vale.

EPISTOLA XV.

Franekeram.

HESSELO AB HERMANA, V.N.

QUod felix faustumque sit, Filium habeo, qui continuò gratissimam tui memoriam suggeret. HESSELVS est, & ipso nomine velut stimulo ad virtutem & doctrinam

etrinam excitari aliquando poterit.
 Nomine, quia pulchro, quia raro,
 quia tuo. Sextus hic verò filiorum
 est, decimus liberorum: quasi pe-
 culiari quodam mysterio hunc u-
 trumque censeri numerum, insi-
 nuem. Senarius enim perfectus est,
 denarius absolutus. Ille bonitatis,
 hic magnitudinis symbolum habet,
 & quodammodò omen. Nomen
 ipsum à bono & magno derivatum
 est; & imaginem idcirco boni ma-
 gniq̃ue puer referet, simul verò
 amicitiam nostram nunquam non
 loquetur. In sacro fonte BRONCK-
 HORSTIVS vices tuas sustinuit,
 egregius profectò, & dignus Majo-
 ribus suis juvenis; mihi quoque
 hoc nunc officii vinculo conjun-
 ctus. Sed te, ô Optime viro-
 rum, quando reducem complectar?
 Quamdiu abes, injucundam quasi,
 & solitariam duco vitam: unde &
 difficilius morbi mei reliquæ ex-

30 ERYCI PVTEANI
pugnantur. Veni, & me mihi red-
de; imò vale, ut venias. Libellum
hunc meum munusculi loco mit-
to: si tantum otii, lege; vel differ,
in itinere levamen habiturus. A
Clarissimo ARGERIO litteras acce-
pi. Amo, colo, saluto hunc virum,
quia bonum; omnesque bonos. Ite-
rum vale.

EPISTOLA XVI.

Embricam.

HENRICO STAPEDIO,

Soc. IESV,

Præceptori olim Suo.

NON exulare è pectore tuo Pu-
teanum; Optime Pater, osten-
dis ipse, indicant alii: at ego hacten-
us officium magis, quàm affectum
deserui; non scripsi, sed amavi. Sic
interdum sine flamma ignis est, &
velut sepultus vivit. Omitto impe-
dimenta alia: gravi ac diuturno op-
pressus

pressus morbo jacui, vitam non vitam traxi, umbræ quàm homini similior. Quò in discrimine fuerim, ex hoc ipso volumine intelliges, per merum languorem scripto. Cometa est, qui nuper terrere visus: Paradoxa sunt, nec scio tamen an Stoïca; munusculum est, satis jam idoneum, si in signum excusationis veniat. Quod si mireris tamen, quomodò facilius libri, quàm litteræ potuerint scribi; dixero, hoc quoque Paradoxum esse. Sed tu nunc, Optime Pater, libros, tanquàm litteras habe; & quàm me ames, perge ostendere, ut semper ames. Sic verò age omnia, ut semper valeas. Vale.

EPISTOLA XVII.

Bruxellam.

BALTHASARI ROBIANO,

Supremo Belgica Thesaurario:

A Micum hunc mitto, ut de Præ-
tura loquatur. Novit ille sta-
rum urbis, quippe Consul: & expo-
net, quia boni publici studiosus. Tu
illum audies igitur, & pro pruden-
tiâ tuâ expendes singula, imò pro
affectu in urbem, publicumque
bonum, decernes. Mutatio qui-
dem, ut & meam ego sententiam
promam, non exigui momenti est;
sive illius causâ, qui movendus;
sive illius, qui admovendus. Move-
re à munere virum probum, exer-
citatum, & de quo bene boni om-
nes sentiunt, difficile puto: nescio
enim quid sinistri, de hac novitate
cives sentiant. Admovere autem
meritò suspectum, hoc verè est,
malam

malam hominum opinionem confirmare. Si ullibi, in eâ nostrâ urbe boni rectores necessarii sunt, ut in omnem casum & pro Principe, & pro Religione simul prompti sint. Ostendet Princeps, non se urbes prætoribus, sed prætores urbibus dare. Cives ferè ut reguntur, sic se gerunt quoque. Boni erunt, si boni præerunt: sed hunc bonum esse omnes judicant; imò boni erunt omnes, si non omnia utilitatis causâ fieri intelligent. Ad summam, Utilem Principi præturam reddi, utile censeo; sed hoc dispiciendum, ne majus deinde damnum è lucro pullulet. Ac sanè, qui magna sumptuum onera subire Præturæ causâ paratus est, gravis multis, noxius, sæpe iniquus erit: quicquid verò peccabit, nōne in Principem conferet? Quod si omnino placeat alium admove, sumatur ille; qui maximè ab ambitu remotus est, &
bonus

bonus omnibus habetur. Tum verò agendum, ut honorarium, hactenus exproatori datum, in nostrum transferatur. Ita ages, Vir Amplissime, ut novum tibi beneficium Patriæ nomine debeam; qui meo, Patriæ non semel benignus fuisti. Novum autem erit, nihil hoc tempore in Præturâ innovare. Vale.

EPISTOLA XVIII.

Bruxellam.

IOANNI VILLELÆ,
Iustitiæ Militaris Summo Præfecto.

Æ Stimare lucubratiunculas jam meas incipio, quia desiderio tuo dignas. Mitto igitur, & à recentioribus ordior, an & à minimis? Mitto, ut post desiderium etiam iudicium eliciam, hanc, inquam, de Officio Iudicis Dissertationem, hanc de Cometâ Paradoxo-

EPISTOLARVM APPARATVS. 35
doxologiam. Leges hîc quidem
Putcanum, quem heroïco nuper
affatu dignatus es. Et fruar ego ite-
rum humanitate tuâ, cujus excel-
lentem doctrinam admiratus sum.
Vicisti dignitatē animo, Fortunam
ingenio, Martem Minervâ; profpe-
rumque Sagi forum arbitror, quia
tam beatâ Togâ mitigatur. Quan-
tum litteræ possint, consilia tua, ju-
dicia, imperia ostendent: hæc blan-
da, illa æqua, ista provida: quicquid
jubebis, statues, suggeres, salutare
erit. Quid dico, erit? Est. Videre
hunc Solem non potuimus, nisi ut
diem haberemus. Fugiunt tenebræ,
recedunt nubes, & optata rerum
serenitas quædam redit ac ridet.
Felix Belgium te lucente! Etiam
ingenia beneficio tuo caliginem
effugient. Sed ego, quia in hac Dis-
sertatione, itemque Paradoxologia
legi incipiam, beneficium agno-
scam. Vale, & lucere perge.

EPI-

EPISTOLA XIX.

Mediolanum.

FREDERICO BORROMÆO, S. R. E.

*Cardinali,**& Archiepiscopo Mediolanensi.*

Magnifici Rectoris nostri literas, quia superiori hebdomade meis comitatus non sum, jam sequor. Scripsit ille Academiae velut nomine, imò Urbis; & sic meo. Vtriusque enim pars sum. Sacras petiit RELIQUIAS, & quia populi affectum repræsentavit, etiam meum. Suave autem hîc mihi, cum populo censerî: suave, colere DIVVM, quem tam multi colunt. Hoc te rogo, Magne Præsul, ut non doctrinam, si quæ est, non famam, si quæ affulget; sed solam nunc pietatem meam respicias. Placere tibi cupio, sed ut Belgæ omnes placeant. Sanè quo magis illi debent,

EPISTOLARVM APPARATVS. 37
bunt, ego obstringar: debebunt
omnia, qui tam carâ pignora meâ
causâ accipient. Auctor igitur
sum, ut in Summo potius urbis,
quàm in parvo Arcis templo depo-
nantur. Ecce, nego mihi pretiosissi-
mum hunc thesaurum, ut magis
inveniam: iturus ad populum po-
tius, quàm ut ille ad me. Descende-
re mihi uni facilius erit, quàm tam
multos ascendere: imò descendere
mihi jucundum erit, ut ad Sanctis-
simi Viri Reliquias ascendam. Voti
mei summa est, S. CAROLVM cole-
re, & patronum in cælis habere, te
in terris. Felicius sic quidem, cum
Deo visum erit, è terris in cælum
migraturus. Vale.

d

EPL

EPISTOLA XX.

Bruxellam.

FRANCISCO PAZIO,

Archiatro Regio.

Heri litteras Clarissimo V. GODEFRIDO VVENDELENO ad te ferendas dedi; Viro, siue ingenium, siue doctrinam, siue elegantiam considerem, summo. Aliquâ jam familiaritate hæc omnia penetravi: magisque se aperuit ipse, postquam in Arcem hanc, & Bibliothecam meam pedem intulit. Rarum hoc ævo est, Antiquitatem exploratam habere, ille habet; Historiam omnium temporum perlustrasse, perlustravit; Latinæ, Græcæ, Hebræicæ linguæ peritiam hausisse, hausit. Accedit morum magis probitas, quam calliditas; simplicitas, quam *εὐπρεπία*. Sed quàm illi facile fuit, discere omnia, tam difficile, placere omnibus.

omnibus. Coluit mentem; & sic negligere corporis curas potuit: quasi satis dives, si satis doctus esset; satis felix, si placeret doctis. Vide nunc libellum ejus de Comerâ, & varietatem rerum, subtilitatem, novitatem admiraberis. Quia à scitis Peripateticorum abit, non confidentior, sed ingeniosior est. Et nonne tamen præire vetustiores videntur? Horum cum reprehendisset opinionem Aristoteles, quid nisi & suam examini subjecit? Nimirum, non penetravit unus omnia: angusta quoque natura esset, nisi omnes occuparet. Nova doctrinarum, ardua semper esse, sæpe odiosa, fateor: rideri ac contemni, si quis ad Mira veniat? COLVMBVS nuper, quia novum invenire Mundum voluit, desipere visus est: esse novum, nemo credebatur. Sed profectò nisi fidem amentia huic femina habuisset, quæ major viris omnibus

40 ERYCI PVTEANI
erat, adhuc se Orbis ignoraret. Cælum fortassis sic jam explicari vult, & ab eo, qui admirandus esse non potest, nisi ut ineptire videatur. Sed quid? aut fallor, aut hoc est sapere; non sequi ea, quæ vulgus æstimat. Ego quoque quia recedere ab opinione multorum ausus sum, de Comerâ scripsi: neque adhuc consilium muto. Satis ista; quia ad Doctum, & Amicum scribo, quia pro Docto, & Amico. Vale.

EPISTOLA XXI.

Bruxellam.

GERARDO CORSELIO, V. A.

à Consiliis Sanctioribus.

NOva dignitatis spatia ingressus, Sanctioribus ostendes consiliis, quid sit bene de Principe & Republicâ mereri. Huc te vocabat virtus tua, nec finet consistere. Etenim ascendere cœpisti, ut ad
summa

EPISTOLARVM APPARATVS. 41
summa pervenias, quantò propior
Principi, tantò utilior. Videbit ille
te Optimum, Doctissimum, Pru-
dentissimum, quem hætenus cre-
didit, à fastu, vanitate, vitiis alie-
num. Amabit mores, in quibus ni-
hil reprehendet. Sed ita a Naturâ,
Minervâ, Astræâ factus es, ut qua-
lem optare publica utilitas virum
possit, exprimas: agas exemplo,
quod consilio. Naturam tuam no-
runt Boni, Minervam Docti,
Astræam Prudentes: ego sanè ut te
amem, laudem, venerer, Boni no-
men, Docti, Prudentis usurpabo:
impendam eruditionem, ut agno-
scere tuam, & æstimare videar. Sed
quid? agnoscendo, & æstimando
ostendò, quantum debeam: quippe
tuo adolescens exemplo ad virtu-
tem ductus sum, cum primâ studio-
rum libertate Lovanii fruerer; tuâ
familiaritate ad amœnitatem &
elegantiam, tuâ institutione ad so-
lidam

lidam Iuris scientiam, & quæ cum laude magis, quàm lucro conjuncta, docet HONESTE VIVERE, NEMINEM LÆDERE, SVVM CVIQVE TRIBVERE. Amplius in hoc præcepto est, quàm quicquid respondere omnes Iurisconsulti possunt: in te est, quicquid hoc præcepto continetur. Vive tantum: non enim potes, nisi honestè vivere. Vt nemo lædatur, ut suum cuique tribuatur, vitæ & auctoritatis tuæ suffragia efficient. Iterum vive, & meliora quoque litteris tempora dabis: mores ferociam, ingenia barbariem exuent; habebimus Iustitiam, qualem docuisti. Faciat Benignitas Numinis! & ut ego magis magisq; TVVS sim, qui semper fui! Vale.

EPISTOLA XXII.

NICOLAO DANILOWICIO
ZVROWIO,*Supremo Regni Poloniae Thesaurario.*

Scribendi occasionem, Illustris-
sime Domine, Orationes istæ
præbent, quæ ad Patrem à Filis ve-
niunt, in Sarmatiam è Belgis. Vir-
tutis tuæ videbis indolem: sic lo-
quuntur qui te referunt, corpore
animoque in totâ juventute nostrâ
egregii; sed quia te referunt. Quis
quantusque sis, è publicâ famâ sci-
mus, & in geminâ istâ velut imagi-
ne tui videmus. Indicant hæ scin-
tillæ originis suæ ignem, hi rivi
fontem. In scintillis plenum lumen
est, & coruscat; in rivis surgens co-
pia, & fluit. Lumen, quia æthe-
reum, extingui non poterit; nec sic-
cari copia, quia perennis. In te, Vir
Maxime, quicquid est, æthereum

& perenne est: quicquid agis, pulchrum; quia ex Virtute agis. Hinc & Thesauros Regni ita tractas, ut abundant semper, & publicæ utilitati nunquam non pateant; ut impendantur, & crescant. Militiæ stipendia prompta sunt, Virtuti præmia, Regno felicitas. Audent omnes strenuè facere, quia nemo frustra. Sed & exemplo eriguntur: Fortem vident; ignavi esse non possunt. Sic verò suave est, aurum ab eo accipere, in cujus manu amplius etiam ferrum splendet. Supremus Regni Thesaurarius es; sed præ thesauris tibi Filii sunt: hos habere satis non est, nisi doctos, gnavos, & Reipublicæ utiles habeas. Succedunt vota: habes, quales optas; daturus Reipublicæ, qualem te ipse præstas. Hactenus peregrinati sunt; sed quia sub oculis Nob. V. ERASMI VVIERZBICKI, tanquam sub tuis vixerunt; quia & in Academiâ hac nostrâ,

nostrâ , maturuisse quodammodò videntur. Nihil me auribus dare, Orationes hæ testantur , pulchræ prorsus & politicæ, graves & maturæ, doctæ & facundæ. Quid amplius? dignæ, non in Academiâ hac tantum, & Belgarum Scholis; sed in Aulâ, & Comitiiis Sarmatiæ audiri. Adulationis vitium proscribitur: quid sanctius? De Milite Externo & Interno disputatur: quid aptius? Vtrumque PETRI tui opus est: De consilio Principis agitur: quid utilius? Vera Nobilitas examinatur: quid speciosius? Vtrumque STANISLAI tui est. Vt repetam voces meas; sic loquuntur, qui te referunt: imò sic te referunt, qui omnem in doctrinâ & virtute magnitudinem ponunt. Ego ut tales tibi filios, Illustrissime Domine, gratularer, scribere hæc pauca, & his paucis comitari, ut sic dicam, Orationes filiorum volui, studia

verò mea omnia & obsequia jam
delata filiis, Patri contestari. Vale.

EPISTOLA XXIII.

Hamburgum.

GEVERHARTO ELMENHORSTIO,

V. C.

Specimen Apulejanæ editionis
accepi: ô pulchrum, & industriâ
tuâ dignum! Cepit me ille chara-
cterum nitor, illa formæ majestas,
illud papyri decus: quibus omni-
bus exornari tandem facundissimæ
sapientiæ scriptor debuit, ut vilita-
tem effugeret. Eò ventum est, ut
etiam veste censeamur, & à typo-
grapho pretium ingenii pendeat.
Sed profectò tuum hîc ostendis,
qui alienum ornas; vincis quicquid
typographi præstant, & tanquàm
vivere, imò loqui Apulejus inci-
piat, vitam & linguam donas. Vi-
deo Philosophum, non pallio ridi-
culum;

culum; sed rogâ decorum: video quem amare Litterarum. omnes mystæ possint. Isti quidem præ gemmis omnibus typi sunt; & facis **AVREVM**, quem frustra appellamus. Error quidem, aut admiratio, ejusmodi olim titulum dedit; & quia pulcherrimum existimavit Lucii Asinum, à pulcherrimo metallo nominavit. Sic quidem & Pythagoræ carmina, & alia multa, quæ commendari poterant, & *ἡρώα* dicta. Si meo suffragio res geratur, simpliciter de **ASINO**, vel **METAMORPHOSEON** inscribam. Vide, nisi grave, Epistolam meam ad **LIPSIUM**, Centuriæ I. trigesimam octavam. Sed tu fortassis jam Notas meas, quàm Epistolas malis. Me miserum! qui quod ipse malo, jam præstare nequeo. Notas illas, illas Bem-
bini codicis lectiones, ante triennium quidam à me Amicus meus & Auditor accepit: an Amicus? accepit,

cepit , ut supprimeret. Dederam ego , ut in lucem mox proferret. Quia igitur à Clarissimo BRANTIO nuper tuo nomine interpellatus sum , tabellarium cum litteris ad amicum illum , non amicum, misi, librumque repetii. Sed quid? frustra omnia : non rem, sed verba dedit; blandus tamen, non negat, sed procrastinat. Deprehendo, mi ELMENHORSTI, meum non esse, quod tam facile manumisi. Et tamen adhuc urgere pergam, traditurus vel BRANTIO, vel SCHOTTO, si quid accepero. Delibaveram in Epistolarum mearum Centuriâ I. & II. Emendationes quasdam Apulejanas , quas ut expendas , & ut opus tuum promoveas rogo: opus, ut dixi, pulchrum, & industriâ tuâ dignum. Ostendes post Beroaldum, Stewechium, Colvium, Wouwerenum, quid sit bene de præstantissimo scriptore, bene de Litterarum studiis

EPISTOLARVM APPARATVS. 49
studiis mereri. Vale, & à me quo-
que plausum expecta.

EPISTOLA XXIV.

Bruxellam.

ENGELBERTO MASIO,
Consilii Sanctioris Præsidi.

IN Academiâ ago, & ex interval-
lo tamen quid prodesse Reipu-
blicæ possit, expendo. Hoc sanè est,
occupare ingenium, ne sine fructu
consenescat; & occupare munus,
ne otiosum videatur. Censeo igitur,
quod in Te Virorum Summe
video: censeo, beatum semper fore
rerum statum, si ab Optimis admini-
nistretur. Talem verò habemus
PRINCIPEM, à quo regimur; talem
te PRÆSIDEM, per quem regimur;
tales quoque alios dignitate & au-
ctoritate eminentes: sed ut porro
habeamus enitendum est. Ecce in
Consilio Namurcensi vacuum esse
locum

locum intelligo; & hoc jam agi, ut
 è bonis multis optimus, ex aptis
 aptissimus eligatur. Quia inter
 Competitores nomen suum pro-
 fessus est Clarissimus hic inter Ami-
 cos meos Vir; eum commendo, &
 Optimum Aptissimumque audeo
 dicere; sed ut neminem deprimam.
 Caussas cur audeam, alias protuli:
 ne frustrà protulerim, favore tuo
 ostendes. Ita intelligam quoque,
 cogitationes meas, quibus prodesse
 Reipublicæ conor, gratas esse; stu-
 dia verò mea etiam ad Rempubli-
 cam facere. Vale.

EPISTOLA XXV.

Bruxellam.

GVILIELMO BERNARTIO, I. C.

Auditori pridem Suo.

SPirant amorem litteræ tuæ, &
 simul elegantiam. Quid dicam?
 feliciter sic quidem parentē tuum.
 illum

EPISTOLARVM APPARATVS. SI
illum optimum, illum doctissimum
exprimis. Ille, quia optimus, facilis
ad amorem fuit: quia doctissimus,
elegantiam ubique ostendit. Tu
mihi ex hoc Phœnice Phœnix es:
meus es, quia Solem me vocas. An
nescis avium miraculum, siderum
splendori sacrum fuisse? Sed non
agnosco hanc laudem. Sol non ero:
tu tamen meus eris: quemadmo-
dum tuum ego me profiteor. Fuiſti
meus, ut semper esses: & in te ama-
vi, quem refers, ut amarem sem-
per. Refers illum optimum, illum
doctissimum, quem dixi, parentem
tuum: refers amore & elegantia, &
hoc me gemino vinculo tuum fa-
cis. Vale.

EPI-

EPISTOLA XXVI.

Bruxellam.

RICHARDO STANIHVRSTO,

Vicario Exercitûs.

Q Vicquid audacia mea peccabit , tua leniet humanitas : hanc sanè quia brevi nuper affatu in me derivavi, liberior nunc scribendo sum , & alienæ necessitati subsidium , aut potius virtuti præmium imploro. In eo quem vides, hæc necessitas, hæc virtus est : ipse quidem mihi non prorsus alienus. Primum, quia è propinquis & cognatis; deinde, quia è bonis doctisque. Operam Theologiæ aliquot jam annos dedit, & insignes progressus fecit; Ecclesiastico aptus muneri, & castrensi functioni. Eo ingenio , cā doctrinâ & moribus est, ut vocari rogarique debeat, nisi roget. Rogat autem, ut Cohorti
Silva-

Silvaducensi Myſtagogus detur. Huic potiffimum, in quâ præfecti vices ejus nunc affinis gerit. Quia Affinis, pariter quod peto, petit; quia ſtrenuus, & de militiâ noſtrâ bene meritus, hoc favore dignus eſt. Concede quæſo, quod concedi poteſt; & quod pariter rogamus, ſimul obſtringendi. Concede, quod neceſſitati dabitur, & virtuti perſolvetur. Hoc etiam erit bene de militibus mereri, qui ut fortes ſint, pii eſſe debent: pii autem & conſuetudine, & exemplo viri hujus evadent. Vale, & ut ſciam audaciâ me non peccaſſe, petitioni fave.

EPISTOLA XXVII.

Lugdunum Bat.

DANIELI HEINSIO, V. C.

HOc agere non poſſumus quod
 agimus, Vir inter omnes emi-
 nens, niſi ut inviſi multis ſimus.
 Odit hoc noſtrum virtutes ævum;
 odit

odit artes, quæ virtutibus serviunt. Sed nobis tanti ingenium erit, quanti aliis vitium: spectabimus cælum, quia plerique circa terram volutantur. Tu quidem, ut pulcherrimis monumentis immortalis es, ita contemptu mortis ostendes, quàm pauci vivant. Et an ullo argumento ascendere altiùs potuisti? Hoc est profectò inter Deos, non homines versari: & verè intelligis vitam, qui contemnendam esse mortem doces: qui, cum ultra naturam vidêris niti, naturam nobis commendas, & communissimum necessitatis decretum. Moriuntur omnes, sed non pulchrè omnes: timent mortem, quia perversè nonnulli vivunt; sine & exitu miseri, quia totum iter sinistrum est.

Οἷα τ' ἀνὴρ ἐρεῖ, τοῖον πᾶσι αὐτῷ
ἰκάνει.

Fortassis & paucissimos mortalium
hæc Sapientiæ mysteria, hæc de-
creta

EPISTOLARVM APPARATVS. 55
creta tua capient: producenda ta-
men, ne timuisse contemptum vi-
dearis, qui de contemptu mortis
scribis. Prome, prome liquorem
Suadæ tuæ, in quo invidiæ nausea
amarulentiam fellis, noster candor
mellis suavitatem degustabit. Mi
HEINSI, ut vivere possim, discere
contemptum mortis cupio: ut ἀχα-
ριστίαν verò inelegantis & virtuti-
bus iniqui sæculi negligas, amicitia
nostra impetrabit. Vale, ὡ ἀντιάδελ-
φον καίχα, ut tuas tibi voces reddam,
& me ama.

EPISTOLA XXVIII.

Bruxellarum.

CLAVDIO DOINGNIES,

Comiti De Conpigny,

Sanctioris Ærarii Præfecto.

MERUS me impellit Patriæ a-
mor, ut quodammodò vim
verecundiæ meæ inferam, & con-

signem scripto petitionem, ore nuper expressam. Sed an honestiori causâ pietas mea stimuletur? pro civibus meis, pro amicis, cognatis, propinquis Venlonensibus loquor, muro & munimento destitutis. Periclitantur, qui sic habitant; in urbe, tanquàm non urbe: digni sanè propugnaculo, qui fortissimè, & jam sæpiùs hostem propulsârunt. Ita res constitutæ sunt, ut nisi in pace muniti simus, frui securitate pacis non possimus: si in bellum munitio differatur, pugnam periculum antevertat. In finibus oppidum hoc situm est; & quid nisi provinciæ propugnaculum? Vulneri patet, quisquis scutum negliget; & frustra defendet urbem, quamvis sine muro fortis. Sæpè & imbecillitas nostra audentio rem hostem facit. Suo nos exemplo adversarii monent: quas occupârunt urbes, muniunt; gnavi, dum otiosi. Quicquid

quid publicè utile , sumptuosum non censent. Sed opus hoc an sumptuosum appellare debeam, nescio: cœptum est, ac necessarium. Quia cœptum, absolvi debet; quia necessarium, negligi non potest. Liberè loquor, sed pro Patriâ loquor: nisi enim muniatur, periculo obnoxia est, & arbitrio, ut sic dicam, fortunæ relinqui videtur. Fortes erunt, qui non mœnia, sed pectora hosti objicient: tuti non erunt, nisi protegantur. Ut pugnare possint, locum postulant: quemadmodum autem pugnârunt hætenus, sanguine suo muros meruerunt. Vale.

EPISTOLA XXIX.

Trajectum ad Mosam.

CAROLO DE BOVRGEOIS,

Consiliario Regio.

SÆpius humanitati tuæ gratiam debeo, ut beneficium sæpius petam.

tam. Nuper sanè in causâ fratris mei, quia favere dignatus es, benignam Iustitiæ opem sensi. Et commendabam causam, quæ, ut æquissima, ita favore tuo digna erat. Nunc interpello quoque, & auctoritatem tuam imploro, quâ, non quidem jam fratris, sed propinqui negotium, tanquam fratris, finiarur: negotium justum, & intercessione meâ hætenus adjutum atque promotum. Non jam de lite, sed de sententiâ litis agitur, ab Amplissimis Collegis tuis, Trajecti, Kalendis Septembris, anno superiori pronuntiata: quæ adversarium plenâ, & cum legitimo fœnoris incremento persolvendâ summâ condemnavit. Is verò jam diverticula quærit, & è suis, ut intelligo, humeris onus totum rejicit, quo se duodecim annorum pertinaciâ ipse gravavit. Suam, non alienam agit causam, qui sic agit, & profectò eludit

EPISTOLARVM APPARATVS. 59
eludit sententiam, qui sic declinat.
Si rectè examinamus, sustinuit li-
tem, ut injurius esset: dignus pœnâ,
quia sustinuit. Aut vincere igitur,
aut ludere voluit: prorsus in ærum-
nas adversarium conjicere, ut suum
deinde collum subduceret, ac no-
ceret. Facile judicabit prudentia
tua, iniquas has artes, & reprimen-
das esse. Ego pro Amico, & sic pro
justitiâ nunc iterum loquor: hoc
ago, ut suum sententia pondus ob-
tineat. Facies, favebis, Vir Amplissi-
me, & confirmabis quod pronun-
ciatum est, quia rectè pronuncia-
tum. Id simul ratio & existimatio
Collegarum suadet, adeoque Con-
siliî universi. Vale.

EPISTOLA XXX.

Rigam.

HERMANNO SAMSONIO,
Inspectori Scholæ Rigensis.

NON proletriæ profectò humanitatis, Vir Clarissime, ille affectus tuus, è tam longinquo missus. Quemadmodum lucet, ita urit quoque, & in ipsa viscera mea penetrat. Primis statim verbis correptus sum, & incalui: felix, ut infelix tamen essem. Quid suavius, quàm amorem tuum videre? quid acerbius, quàm meum non ostendere? Hem, non venerat ille, qui commendatus erat: frustrà quæsitus, qui alibi substiterat. Accusabam igitur sortem meam: eò magis, quia scribendi officium alienâ culpâ impeditum. Vis & à me causam? in gravem atque diuturnum morbum incidi, prorsusque tanquàm

quàm non viverem vixi, unius, ut
 sic dicam, lineæ homo, aut imago
 hominis. Qualem his versibus,
 quasi ludens, adumbrâram.

*Regales Cræsi vultus, & pauperis Iri
 Si maciem lubeat sub eâdem cernere
 formâ,*

*Si tristes senii rugas, floremq; juventa
 Purpureum, & ventris mystas, atque
 alba piorum*

*Ora virûm; hæc natura opus, hos sine
 luce colores,*

*Corpus non corpus spectato; an cor-
 poris umbram?*

*Tantum nec Zeuxis potuit, nec pin-
 gere Apelles,*

Fallacem diæ vitam qui miscuit arti.

*Ah, nimium potuit, nimium! Mors
 lurida, tetra,*

*Mors pingenda fuit: namque hæc in
 imagine cuncta*

*Sunt hominum formæ, & cunctorum
 hæc ultima forma est.*

*Sic jacui, & plures quidem menses:
 e s mortis*

mortis formam vivus exhibui, ut ignavus inutilisque essem. Postquam ad me redire cœpi, & movere manu calamus, hanc de COMETA *ἡ ἀστρολογία* absolvi: quâ meliorem utcumque valetudinem restatus sum. Vide, & iudicium tuum prome. Nunc pro sano ac robusto me iterum gero: impendere vocem Academiæ huic, stilum omnibus cœpi; pandere larem & pectus paratus illi bonæ matris bono filio, ut appellas, si progredi eum ad nos contingat. Vale, Vir optime, & in optimo affectu persevera.

EPISTOLA XXXI.

Mediolanum.

I O. BAPTISTÆ SACCO,
Senatui Mediolanensi à Secretis.

LEgi cruciatus tuos, Clarissime Vir, & quodammodo ipse sensi: legi ærumnam luminis, & cæcutire

cæcutire visus sum. Gravia hæc, sed humana tamen; ferenda, ut leviora fiant. Iam experiri animum tuum Deus vult; corpus affligit: te ostendit suum esse, & in exemplum velut producit. Tu ostende Deum quoque; fortis, constans, lætus esto, vel in ipsis malis. Hæc conditio & lex omnium, PATI: bonorum & sapientum, FORTITER PATI. Vincit autem, qui sic patitur; & cum alia desunt, hoc à se quisque remedium capit. Video robur tuum: sustinuiſti dolores calculi, ut post calamitatem felix eſſes: eiecisti, quicquid morbum faceret, ut novæ nihilo minus ærumnæ obnoxius eſſes. Voluit offundere sinistro nebulam oculo Deus, sed fortassis non duraturam. Sic Solem videmus impediri interdum, ut sereniorē mox vultum efferat. Diffluet, ut spero, illapsus hic humor, caliginem absterſurus. Pelli quoque opportunis remediis

remediis poterit, sed sine dilatione.
Dexterum jam lumen monet, sinistri rationem habendam esse.

Nec ulla erit jactura si non creverit.
Valere te cupio, & fortem esse ut valeas.

EPISTOLA XXXII.

Bruxellam.

RICHARDO STANIHVRSTO,
Vicario Exercitus.

QVia benigno semel vultu acceptæ litteræ meæ, ecce redeunt, & pro eodem hoc cognato meo & Amico intercedunt. Removit ille impedimenta, per quæ non poterat concessio statim beneficio uti: sed novus nunc iterum petitor adest, ut voti compos; bis obligetur. Obligabor ipse, geminumque nexum profitebor: semel, quòd annuere commendanti benignitas tua voluit: iterum, quòd ad effectum candi-

EPISTOLARVM APPARATVS. 65
candidissima promissa venient:
promissa, quæ jam tum beneficia
fuerunt. Etenim annuere, hîc erat
dare: & quicquid accipiet com-
mendatus, jam accepisse visus est:
debere enim cœpit, postquam pe-
tere. Accedit igitur, ut se tuum esse
ostendat, & futurum semper; ut
adipiscatur munus, quod à favore
tuo profecturum sperat; & nihilo-
minus profectum esse gaudet; semel
obligatus, ut semper maneat. Ego
sum, ego ero: quicquid enim meâ
caussâ cognatus & Amicus obti-
net, obtinere ipse videor. Vale.

EPISTOLA XXXIII.

Neostadium.

IO. PHILIPPO PAREO, V. C.

Nisi affectum tuum æstimem,
Clarissime Vir, ab omni hu-
manitate; nisi munus, ab omni ele-
gantia, & his ipsis litteris alienus
sum. Iam merebaris ipse affectum,
priusquam

priusquàm munus mitteres; dignus munere potius aliquo meo, cui satis non fuit amare. Plautum igitur mittis: an observantiæ tuæ *την ἐξουσίαν*? imò doctrinæ, industriæ, famæ. Eugè, Herculis vicisti labores omnes hoc labore, virtutes hac virtute. Arduum sanè fuit, extra nubem nobis ponere Solem ipsum, & impeditum hætenus omnis elegantiae jubar: posuisti; sed ut non minùs ipse resplenderes. Plautus sic tandem Plautus esse cœpit; quia à te expurgatus & productus: tu te PAREVM ostendisti. Ergo quantus hic scriptor, tantum profectò tuum quoque beneficium est, & ad omnes se extendit: imò tantum & nomen est, majoresque omni barbarie radios spargit. Confide: quamdiu Socco honor Romano erit, honorem invenies, inter litterarum Heroës censendus: & quamdiu decima illa Musa comœdiæ nectar fundet,

det , suum te velut Apollinem agnoscer : agnoscent viri omnes docti , censuræ tuæ candore Æternitatis albo inscripti. Meherclè , quia lucem Plauto fecisse dicuntur , tuo elogio , quàm ingenio suo feliciores , sunt. Laudes istæ , gemmæ videntur , & libri vestibulum insigniter exornant. Sed quid ? Me quoq; dignum laude habes , Vnionem inter gemmas nominas : an quia perennialiquâ luce perfusum ? Tu me facis , cum sic nominas ; tuum facis , quem sic amas : amas autem , ut illustres. Meherclè cupio porrò tuus esse , ne ignotus sim ; clarus esse , ut in te quam accipio lucem regeram. Vale , & quemadmodum de Plauto meritis es , ita & de Comico Afro merere : majus beneficium his litteris nemoq; dabit.

EPI-

EPISTOLA XXXIV.

Lutetiam.

NICOLAO PELLOQVINO, V. C.

Post longum acremque morbum, post itinera & impedimenta, tandem scribo, mi Amice, & Amicum me profiteor. Si morbum spectas, propemodum funus fui, penitusque corpore defeceram. Paullatim rediit vigor, etsi non omnino pristinus ille, fortassis nec totus rediturus. Bene est, facilius, cum Deo visum erit, domum caducam deseram: sic quoque disco mori. Et tamen itinera suscepi ut viverem, certè ut valerem; idque è consilio Medicorum. Quid? vivere & valere utcumque cœpi, ut impedimenta invenirem; majora etiam, quia post morbum. Et quæ igitur sine nube serenitas est? Noctem evasi, sed ut Solem adhuc non cererem: tempestatem, & mare nondum.

EPISTOLARVM APPARATVS. 69
dum tranquillum est. Quid agas?
vita motus est, rerum & curarum
undis agimur. Sic tamen tranquil-
los unum Sapientiæ ac Pietatis stu-
dium reddit, ad Deum & æternita-
tem ducens. Ostendi morbum
meum, itinera, impedimenta; &
nonne dignum excusatione silen-
tium arbitraris? Nunc etiam ne nu-
da scriptio sit, juvenem istum tibi
commendo, ut Doctorum virorum
illi amicitiam aperiās. Tuam appe-
tit, commendari meretur: tu mihi
inter Doctos es, aperiēs. Thyrsi &
Cæcitas quo loco sunt? utinam
multorū desiderium expleas! Vale.

EPISTOLA XXXV.

Bruxellam.

ALOYSIO VEREYCKEN,

Audientiario.

ET si quieti litterisq̃ue deditus
sum, interdum tamen ad Rem-
f publicam,

publicam, imò ad militiam cogitationes transfero, ut suggeram, sive suadeam, quæ cum communi bono conjuncta sunt. Hoc fine IOANNEM BRETOCHIVM nuper commendavi, veterem militiæ, aptumque muneri quod petit. Plures jam annos rexit ac velut formavit disciplinâ milites, quos suos vellet sacramento esse. Meruit centuriatum, priusquam peteret; nec peteret profectò, nisi meruisset. Nunc igitur favore opus, sed qui virtutibus dari solet: tuo opus, qui virtutum causâ omnia facis. In antecessum quoque suffragium Marchionis SPINOLÆ flagitavi. Is intelligit se fortes habere milites non posse, nisi duces habeat: nisi tales, qualem exercitata per omnes gradus virtus hunc ipsum commonstrat. Neque sistendus hic cursus est: à majori dignitate majora commoda venient; ac majori dignus est, qui prodesse amplius

plius potest. An adjungo? vexillum
quod gerit, tui finet arbitrii esse,
etiam fratrem, hæcenus Commili-
tionem, si in alium oculi tui flecten-
tur, neglecturus. Proxus quemad-
modum tuo judicio vota sua com-
mittit; ita de alienis nihil ipse sta-
tuet. Vt plures obligentur, petit
beneficium; & ne solus obstrictus
sit, alienis meritis locum faciet.
Ego quoque Amici causâ in obli-
gationem veniam, & quicquid mi-
litia bonoque publico accedet, ju-
stissimo favori tuo adscribam. Vale.

EPISTOLA XXXVI.

Coloniæ Vbiorum.

BERNARDO PYTEANO,

Julia. Procancellario.

POST intervallum scribo, & be-
nevolentia officio hunc ad te
euntem virum comitor, satis vel
ipsâ fortunâ suâ notum. Quemad-
modum

modum infelicem amo, ita commendare humanitati tuæ audeo. Consilium autem meum est, ut tranquilliorē vitæ statum à thoro instaurando ordiatur. Vxorem habet, sed tanquam non habeat; illam domo, nomine, animoq; magnam. Dissidere miserum est; & quomodocumque culpam removeas, nota manet: hîc enim sive accuseris, sive accuses, reus es. Vnum remedium, Coniungi: ideò enim conjuges sunt, alter alterius, neuter suus, nisi abire quoque à seipso uterque velit, ac dividi. Romani olim, si frigusculum inter virum uxoremque natum esset, ad aram Deæ Viriplacæ ibant, discordiam posituri. Romanum ritum, quidni in Romanorum adhuc Coloniâ sequamur? Ego ducere, imò impellere. Virum ad Viriplacam; id est, ad auctoritatem suam audeo, quâ permotus novo igni accendat animum, conjugemque,

que, velut sponſam denuò comple-
 ctatur. Sed eâdem auctoritate opus
 eſt, ut maritum eſſe maritum velit,
 quæ ſuaviſſimum amorem felle
 miſcuit, ſiniſtrâ magis opinione,
 quàm juſtâ cauſſâ commota. Fo-
 menta æquè accuſanda ſunt, ac
 principia: animique ſemel læſi,
 etiam leviſſimâ offenſione exulce-
 rantur. Veniendum ad *reconciliationem* eſt:
 nec aliud reconciliationis initium,
 quàm obliuiſci. Adnitere; Vir Am-
 pliſſime, & felices redde, qui con-
 juges ſunt; ut de iſſis, de liberis eo-
 rum, totâque familiâ bene merea-
 riſ. Conſpirabunt in bonam con-
 cordiam amici, & qui proximi: ſuæ
 pariter famæ conſulent. Sed nolo
 plura. Commendare ſatis eſt, cur
 commendem ipſe intelligiſ. Matri-
 monii felicitate inſtauratâ, compo-
 net hic noſter negotia ſua, & recto
 ad plenam quietem tramite ibit.
 Huc quoque ducent conſilia tua,

prudencia tua , benignitas tua in
hunc virum , & sic in me quodam-
modò derivanda. Vale , me , & obse-
quia mea Amplissimo Magistratui
defer. Tam magnis placere , ma-
gnum mihi erit : operamque datu-
rus sum , ut placeam.

EPISTOLA XXXVII.

Bruxellam.

ALPHONSO CUEVIO;

Marchioni Bedmaris,

Legato Regio, postea Cardinali.

Affectus ille tuus in C. Corne-
lium Tacitum , hunc meum
elicuit. Laudavi Historicum , quem
sciebam tuum esse , ut encomium
facerem. Alii fortè quid scripserim ,
ego cui inscripserim expendo ; se-
curus ingenii , si obsequium pro-
bem. Quare si dicta placuit hæc
Oratio , magis placebit dedicata :
fama à tutela veniet. Taciti quo-
que

que Laudes tuæ sunt : quicquid prudenter ille & rectè scribit, facis. Quasi præscribas ipse, quomodò Politicæ Doctrinæ Auctorem tractent, qui boni sunt, ne calliditate pervertantur; quomodò qui magni, ut virtutem potentiæ anteponant. Te, quàm à vitiis natura sejunxit, & inclytæ stirpis honos; tam virtutibus doctrina elegantior sociavit, aptum administrare publica, componere turbida, vincere ardua, denique pacis bellique consilia pari & animo & ingenio fulcire. Hoc fine in Belgicas à Maximo Rege Provincias Legatus venisti, gratus Principibus, quia Optimis; imò gratus, quia quicquid laudari potest, adfers. Venisti, ut tuo jam ore Rex loquatur, in te omnes Regem audiant. Libenter audient, virtus loquetur. Fructum simul Litterarum Heroïca ostendet Suada tua; ostendet quantum rebus profit Ta-

citi familiaritas, breviter hîc quidem, & publicè, in gratiam Academiae commendata. Vale, vive: te fospite, meliores artes vigorem summent, & his artibus publica felicitas stabilietur.

EPISTOLA XXXVIII.

Lugdunum Bat.

DANIELI HEINSIO, V. C.

Scribere, cum nihil sit quod scribas, certissimum Amoris signum est. Hic enim ut facundus sit, argumento nequaquam indiget; ut loquatur, sermonem in ipso silentio promptum habet. Dicis ergò causâ instituant alii epistolare hoc commercium, & ad delicias humanitatem ducant: noster nobis calamus merus candor est; quot litterulæ, tot flammulæ puri Amoris. Sic nec breves sumus: in pagellâ volumen est, in scintillâ incendium. Silere etiam non possumus, quemadmodum

dum non amare. Enimverò loquitur, imò alloquitur Amicum, qui cogitat: atque hic suavissimus interdum sermo est, uberiùsq; deinde sive stili, sive oris officium dilatat. Nunc tamen, tanquàm cogitem, non scribam, scribo: tu affectu uberratem metieris. Ain' verò? Iam tua tibi iterum cordi studia esse? jam magni Aristotelis libros *τῶν πρᾶξις* extra tenebras poni? Gaudeo: ac sanè oportuit è mari in portum redire, à curis ad tranquillitatem. Bonæ mentis genius alimentum à quiete sumit; prodesse etiam mavult, quàm contendere. Doleo verò, generosi stili tui impetum sæculi malignitate inhiberi, ut premas thesauros; quibus sine damno publico non caremus. Cogita, in alia quoque te sæcula natum esse: venturos homines, qui sine gratia, sine offensa judicent. Ad mæ quod attinet, displicere quibusdam

f 5

busdam non potui, nisi ut ostenderem multorum mihi vitia meritò displicuisse. Sed neque adeò adhuc animus hic eviluit, ut moribus ævi blandiar. Quæso, quid te deceat, vide: scriptiōnis pretio quicquid times superabis. Vale, ô grande litterarum decus, & maiorem te hoc sæculo etiam atque etiam ostende.

EPISTOLA XXXIX.

Bruxellam.

PETRO PVTEANO,

Supremo Iudici Castrorum.

TVâ utar manu, mi PVTEANE, ut hic fasciculus destinetur. Tuâ, quia lubente. Certè quo cultu Illustrissimum VILLELAM prosequaris, ignorare non possum: & nōne ipse nuper testatus? nihil tum mihi suavius erat, quàm tanti viri laudes degustare; ut tu mihi lautissimi convivii ferculis addere condimentum

mentum visus sis. Quàm rarò his
inter sum sacris, opinor, nosti: sed il-
la me mensa latum & genialem
habuit, in quâ & aures potuerunt
epulari. Verum enim verò non me
putabam tam robustum. Postquàm
enim è gravi nuper tempestate
morbi in portum redii, totâ non
potui nauscâ liberari. Quid igitur
sumus mortales? fragilitatis *μερμερ-
λυκεία*, miserix simulacra, nunc
fortunæ, nunc naturæ ludibria. Sed
non est meum queri: ferre potius,
quicquid mutari nequit, & majo-
rem corpore animum habere. Vti-
nam ex hac mente aliquid ad po-
pulum, & imprimis vestrum, deri-
vem! utinam vires ille suas obse-
quio metiatur! Sæpe qui ab uno
regi nolunt, à plurimis affliguntur.
Ergò & hoc exemplum jam Bohe-
mi ad se trahunt, rerum novarum
cupidi, ut calamitates sibi aliisque
provocent. Sed quid? terram cæ-
lumque

lumque misceant, major Deus est: & quemadmodum unus, ita propter in mundo hoc inferiori imaginem imperii sui non finet. Cæsarem volet Cæsarem esse, volet unum esse, & maiorem omnibus hisce malis. Vale.

EPISTOLA XL.

Coloniam.

HENRICO SVCHTELENO,

Satrapæ Carpenſi.

EXpectabam litteras tuas, & ecce meas mitto, rerum quæ geruntur non modò sollicitus, sed curiosus. Scire omninò desidero, quid in re uxoriæ actum: an placari luno potuerit? Mihi sanè hoc thori, quàm illud fori negotium potius videtur: prorsus componendum, ut quæ solatia solent esse, tormenta esse desinant. Sed lenitate opus, & tanquam amare jam incipias. Habes

EPISTOLARVM APPARATVS. 81
bes blanditias ; utere. Mulieribus
hoc insitum, rogari volunt, cum
ultrò cupiunt : tu verò tuam tibi
vindicabis. Fallor, an jam vindica-
sti? Sciam igitur. Sic age omnia, ut
nostri memor sis. Optimus ille vi-
cinus noster jam adesse te deside-
rabit. Rebus compositis, facile erit
venire : non componendis , istic
manere noxium. Valetudinem
tuam cura , tranquillitatem seque-
re : quæ finire non possunt mala,
abrumpenda sunt. Præstat enim de
aliis te conqueri, quàm de te alios.
Atque hic, mi SVCHTELENE, bonæ
mentis , famæ , fidei fructus est.
Nos, ut solemus, agimus, valemus,
non omninò infelices, quia quieti-
te quietum volo, ut valeas.

EPI.

EPISTOLA XLI.

Bruxellam.

IO ANNI VILLELÆ,
Iustitia Militaris Summo Præfecto.

Trahit me pietatis quidam ardor, ut bene de Patriâ urbe merear, certè mereri coner. Quia promptam humanitatis tuæ opem deprehendi, scripto nunc ago, quod nuper sermone, & sublevamen aliquod civibus meis peto. Civibus, id est Venlonensibus, præsidio hactenus militari gravatis. Præter equites, plures adhuc peditum centurias sustinent, vix ferendo oneri, quia respirare ne quidem perinducias concessum est. Miles morâ ac quiete in conubia pellectus, uxoribus liberisque implevit urbem, & plus jam domorum quàm mœnium occupat. Cogita quâ passim conditione miselli cives sint, qui in re-

turna

rum atque fortunarum angustiiis,
 non larem, non fœnum liberum
 habent: ut dubitem milites omnes,
 an omnes cives sint. Cives viden-
 tur milites esse; plus concedunt
 recti quàm occupant, & mixti mi-
 litibus habitant: imò milites vi-
 dentur cives esse; & in alienâ fami-
 liâ uxoribus suis liberisque stipati,
 familiam faciunt. Hoc inde incom-
 modum, quia in una urbe, qui sti-
 pendia faciunt, diutius commoran-
 tur. Quo etiam fit, ut si migrandum
 deinde, difficulter avelli queant.
 Ego sanè, quia pro civibus inter-
 cedo, etiam consulere militiæ vi-
 deor, nisi crebrò locum mutet,
 marcescenti. Sed induciæ sunt, dum
 licet, vires resumant cives mei, &
 velut respirent, ut si necessitas belli
 urgeat, ad solita onera paratiores
 sint. Fretus favore tuo, bene eos
 sperare jussi, tanquàm centuriâ sal-
 tem unâ mox liberandos. Fac igi-
 tur,

tur, Vir æternitate dignissime, ut quantum Patriæ debeam, tuo in parte beneficio testari possim. Tuam hanc urbem esse cupio, quemadmodum ipse sum: felicem enim fore video, si tua erit; si VIL-
LELÆ nomen, veluti conservatoris, publicè privatimq; scripserit. Scribet, scribam ego, ingenii que mei vires libens ac meritò gloriæ tuæ impendam. Vive, vale, me ama.

EPISTOLA XLII.

Bruxellam.

GVILIELMO ATHENIO

Suo.

DE valetudine tuâ sollicitus sum, mi ATHENI; meam peregrinatiunculâ autumnali confirmasse jam utcumque videor. Gel-
ros, sive Gugernos meos visi, cæ-
lum solumque, cui originem de-
beo.

EPISTOLARVM APPARATVS. 85
beo. Quid autem suavius? non aliâ
magis hilaritate Genius meus ca-
pitur, naturâ velut affectum stimu-
lante. Nunc me Arx mea iterum
habet, habent studia, & oblectant,
sejunctum sic quidem à vulgo, &
curis vulgi. Tutiori portu nemo
quiescat. Apud vos an ad serenita-
tem omnia redierunt? Nimia for-
tunæ dulcedo non fivit quosdam
modestos esse, majora ausos, quia
feliciter aliàs licentia cessit. Quid
volunt igitur? Ventos Sole poten-
tiores esse? nimirum ad Apologum
veniemus. Malè meherclè cum Re-
publicâ agitur, ubi Principis aucto-
ritas arbitrio populari obnoxia est.
Debentur subsidia quæ petita sunt,
cur morosi aut obstreperi sumus?
petuntur, quæ dari solita, cur que-
ruli aut iniqui? Nescimus quàm
benignè habeamur. Vicinos vide:
libertatem suam si in comparationem
adferant, premi videantur.

Imperant omnes , ut impendant omnia; & Reipublicæ obnoxii sint: carent Principe, ut sub ancipiti fortunâ gemant semperque metuant. Noster hic status, si modò regi velimus, felicissimus est: nos infelices, nisi status conservetur. Quod Principi datur , ad omnes redit; certè manavit à Principe , quicquid datur. Interroga nonnullos, cujus beneficio divites sint, & ingratos deprehendes. Hoc profectò est , fortunam suam non ferre. Faxit Deus, ut ferant, ut digni quiete sint, digni Principibus, qui tam sedulò ac sollicitè quietem omnium curant, vel ideo inquieti. Sed satis sic ista. Te valere cupio , quietum & felicem esse.

EPISTOLA XLIII.

Romam.

FORTVNATO SCACCHO,

*Augustiniano,**Sacrarii Pontificii Praefecto.*

MEra fragrantia epistola tua fuit, suavissimam humanitatis auram spirans, suavissimam doctrinae. Legi Unguenta quae promittis, ac nescio quâ aurâ adflatus sim, cum maximè vigore indigerem. Tabescenti similis gravem trahebam morbum, & capi deliciis cœpi. Verba tua, ut verè dicam, aromata fuere; eloquium, velut oleum. Quid? Gustum quasi operis calamus praefudit. Quando igitur explebo desiderium? quando plena utilitas ad omnes veniet? Sanè postquam florem vidi, hortum exigo. Iam in titulo se commendat opus, tam curiosè & eleganter consti-

g. 2.

tuto.

tuto. Omnino pulchrum corpus
 venusta decet facies, magnificam
 domum insigne vestibulum. Legi
 liber debet, vel priusquam legatur,
 ut quâ industriâ scriptus sit, à limi-
 ne innotescat. Dixerim magnam
 laboris partem *επιγραφὴν* esse, sed
 quâ plenè & concinnè argumenti
 totius imaginem representat. Tan-
 tus enim debet esse titulus, quan-
 tus liber est; tantum nomen, quan-
 tum volumen; istic brevitatis, hic
 majestas. Itaque ἀπὸ τοῦ χειρομῆλου
 καὶ ἑλαίου rectè *χειρομῆλον*, vel re-
 ctius *ἑλαίοχειρομῆλον* formes. Quia
 etiam ad explicationem imprimis
 Sacrarum Litterarum faciunt, me-
 ritò SACRA inscribentur. Hæc opi-
 nio mea, sed quæ tuam sequitur, ob
 morbum, qui diuturnior fuit, alia-
 que deinde impedimenta, seriùs
 expressa. An dignus excusatione
 sum? juro Genium meum, quod mis-
 surus essem litteras, ignorabam.

Eximio

EPISTOLARVM APPARATVS. 89

EXIMIO LANCELOTTO gratiam, à quo monitus sum, & non exiguo beneficio affectus. Etenim tam amicè compellari, ut jucundum fuit; ita non respondere, grave. Si permittis, Vir Summe, ostendam quàm invitus siluerim: scribam deinceps litteras, quas in præteritum computes; sed nomen tuum, doctrinam, pietatem solenni pergam officio venerari. Vale.

EPISTOLA XLIV.

Bruxella.

HERMANNO HVGONI,

Soc. IESV.

HUMANISSIMUS ille Hospes meus Hamica iniecit vincula, & quem amat, detinet. Mitto igitur famulum, ut is Chromata illa Musica à te accipiat, quibus in hoc me otio paullisper oblectem. Philomusum me postis: sed hunc morbum, si de-

90 ERYCI PVTEANI
licias alii putent, profiteri apud te
nequaquam erubesco. Ecce, ut am-
plius ægrotem, medelam posco: sed
valere non possum, nisi sic ægro-
tem. Tu vale ingeniosissime Pater;
imò ut me magis ames, sic ægrota.

EPISTOLA XLV.

Bruxellam.

IO. FRANCISCO SLINGELANTIO

Suo.

A Mœnitas in litteris tuis est,
mi SLINGELANTI, quæ indol-
lem ingeniumque nobilioris natu-
ræ indicant. Ecce nunc te nosse in-
cipio, postquam videre desii: di-
gnum profectò, quem non Ami-
cum modò, sed familiarem ha-
beam; & à quo haberi velim. A des-
se igitur te cogita, vel ideo quia
abiisti. Epistola, quoties voles, ser-
monem dabit: scribam ipse, tan-
quam loquar; & videbor hoc quo-
que

que affectu studia tua fovere, promoverè vota. Crede mihi, ubique Musæ sunt, & coli ubique possunt: ad libros veni, & Academiam invenies. Nam ubi titulis agitur, & phaleris certatur, frequenter doctrinæ magis nomen, quàm fructus est. Tractant nonnulli scientias, ut rudes & agrestes sint: satis scilicet docti, si ornamenta despiciant. Et quid igitur totum illud scire? seipsum nescire. Altiùs tu mentem eriges, nullis jam vinculis aut legibus impeditus Occupa otium, nulla melior schola est: sed legendo & scribendo occupabis. A. Gellium ut percurras moneo: & ut familiari lectione Plutarchum tibi vindices, in uno volumine bibliothecam habiturus. Ille Commentarios suos Noctès inscripsit: hic sanè poterat Dies. Sed in Noctibus istis notes velim, Præfationem, velut facem fuisse; nunc verò in calce, & semi-

ambustam lucere. Ecce, quicquid
libro xx. cap. x. post Catonis hunc
versum,

*Per Deos Immortales nolite vos se-
questro ponere,*
etiam hodie legitur, ad vestibulum
voluminis retrahendum est: ἀντί-
φάλον, fateor, sed tamen retrahen-
dum. Ipse Scriptor nōne indicat?
Circa meditullium: *Querunt au-
tem in his Commentariis pauca qua-
dam scrupulosa & anxiosa, vel ex Gram-
maticā, vel ex Dialecticā, vel ex Geo-
metriā, non oportet ea defugere, quasi
aut cognita non utilia, aut perceptu
difficilia.* In fine: *Capita rerum, qua-
cunque Commentario insunt, exposui-
mus hic universa: ut jam statim decla-
retur, quid, quōque in libro quaeri inve-
niri que possit.* Vale.

EPISTOLA XLVI.

*Louanii.*PHILIPPO ET PETRO PAVLO
GVDELINIS,*Fratribus, & Iureconsultis.*

Vrum ego Magnum, & merito, Parentem vestrum habui, Consuevisse Iuvenum; sed Virtute & Doctrinâ Magnum. Ut vixit, ita docuit: & ut docuit, ita vixit, verus Iustitiæ Mystra, & incorruptus Legum arbiter. Domi privatumque expressit moribus Leges; in Gymnasio & publicè mores Legibus. GVDELINVM si quis inspiceret, exemplo erudiri poterat; si quis audiret, Iustitiæ putaret Genium loqui. Vestra hæc jam pietas est; vestro beneficio pergit, qui extinctus est, loqui; & sic à Posteris conspici. An dico? vivere pergit, qui desit, & prodesse omnibus. Bene est:

g f

quan-

quantum accepistis à Parente, redditis; & quantum redditis, denuò accipitis, Famam, velut secundam vitam. Prodeunt ecce scriptra ejus, & jam in parte vestra, quia prodeunt. Prodeunt Dictata ejus, & qui sic legitur, adhuc docet. A PACIS auspiciu est: & nōne ita decreverat ipse? Iure decreverat. Etenim Pax Iustitiæ finis, & merces est, populi salus, Religionis tessera, rerum & actionum humanarum corona: quam optant omnes, nōrunt pauci, merentur qui boni sunt. Sed de PACIS scribere potissimū Parens vester debuit, qui Pacis amantissimus semper fuit, lites conatus omnes controversiasque sive privatas, sive publicas pace & concordia terminare. Sic profectò civibus singulis, sic Vrbi & Academia huic utilis, quia majora sæpe prævidit mala, avertit. Deinde & PAX inscribi potissimū Serenissimis

EPISTOLARVM APPARATVS. 95
mis Principibus nostris debuit, qui
exemplo boni, regimine pacifici,
ostenderunt Belgarum populis, à
solâ Pace bona omnia esse, dignos-
que pace, qui ipsi boni sunt, & se
dignos Principibus præstant. Quo-
modò tractari verò, sanciri, conser-
vari Pax possit, hic COMMENTA-
RIVS docet: de IVRE PACIS est,
populis commodus, Principibus
destinatus, Librumque Iuris, ordi-
ne ultimum, pretio primum, DE
PACE CONSTANTIAE luculentè ex-
plicat. Vos pergitè, & quos cœpi-
stis è Bibliothecâ paternâ, tanquàm
doctrinæ hereditate, thesauros
promite: sic enim vestri magis fient.
Pergite ostendere Posteris, quan-
tus ille fuit, à quo estis: hoc enim
erit patriissare. Valete.

EPI-

EPISTOLA XLVII.

Antuerpiam.

IOANNI MALDERO,

Antuerpiensium Episcopo.

Humanitas tua, Reverendissime Antistes, facilem Pietati meæ locum dabit: Pietas tua excusabit, quicquid humaniter ipse facio. Ecce Alceterii Arci huic vicini patrocinium suscepi: & petere à Magnis, Divitibus, Bonis, subsidia exorsus sum, quibus extrema loci necessitas sublevetur. Sed quàm piè peto, tam facilè quoque exaudior. Primus ipse Sérénissimus PRINCEPS interpellatus est, & liberali exemplo ostendit, quid fieri ab omnibus cupiat. A Sole derivavi lumen; & quidni sidera indulgeant? ideo sidera sunt. E fonte aquam hausi; & quidni è rivis petam? ideo rivi sunt. Permitte, quæso, ut quemadmodum

EPISTOLARVM APPARATVS. 97
admodum curæ quodammodò tuæ
hic cœtus obnoxius est; ita te fidus
suum, benigniore radio, te rivum
suum faciliore latice sentiat. Ego
adire Vrbes omnes, Proceres, An-
tistites, constitui: & hoc auspiciū
est. Omnium Humanitas tuam se-
quetur; omnium Pietas tuā promo-
vebitur. Vale, & inter Magnos, Di-
vites, Bonos hic mihi coli nomen
tuum sine; cui æternū obstrictus
vivam.

EPISTOLA XLVIII.

Bruxellam.

IOANNI VVOVERIO, V. A.
ex Assessoribus Ærarii Sanctioris.

INter postremos officio; inter
primos affectu novam virtutibus
tuis Dignitatem gratulor, Virtutes
tuas Dignitati. Prorsus cum gloriā
Principis est, evehi ad hæc culmina
viros, quorum & integritas nota, &
doctrina

doctrina clara, & prudentia exercitata. Fuisti in Republicâ, ut Aulæ par esses: & quia dedicatam olim Sapientiæ mentem ad hoc munus adfers, magnum rebus subsidium venis. Curæ publicæ onera sunt: sed ut leviora fiant, tuos quoque humeros supponis, ostensurus à viro potius Dignitati accedere pretium quàm à Dignitate viro. Iunguntur sic magis thesauris litteræ, quæ & ipsæ thesauri sunt; quemadmodum Collegium istud Amplissimum non minùs viris, quàm thesauris resplendet. Video & veneror lumina, & tu novum accendis. Nolo nominare singulos: docti, culti, elegantes sunt, & quemadmodum sciunt omnia, ita negotiis sufficiunt. O felicem te nunc igitur, qui tales Collegas invenis! felix Collegium, quod te augetur! Me felicem quoque, qui in Amico patronum studiis meis nactus sum! Verum-
enimverò,

EPISTOLARVM APPARATVS. 99
enimverò, ut nunc quoque Amicus
fis, postquam cœpisti patronus es-
se, rogo; ut, quia cultum amoris ad-
do, ipse affectum augeas. Ego de
Stipendio Militari Romano Syn-
tagma in lucem nunc edo: ac sanè
rem hactenus involutam explicuis-
se videor: mittam mox librum, ut
de conatu iudices. Vale.

EPISTOLA XLIX.

Herbornam Nassoviorum.

IUSTO REIFENBERGIO, I. C.

BEnignè mecum agis, Clarissime
Vir, & tanquàm ab ipsis. Gratiis
factus, animum explicas. Nescio
profectò an laudare me volueris,
ut amares; an amare, ut laudares.
Non contentus scribendi officio,
Encomium præmisisti; quasi satis
tibi notus non essem, nisi clarus
omnibus fierem. Meis igitur scri-
ptis consecutus sum, ut sciri cœpe-
rim; tuis, ut illustrari. Omnino ad-
didisti

didisti nomini meo famam, ut amicitia nasceretur. Sed hæc mea siue felicitas, siue infelicitas est: beneficio cumulus eram, & adhuc nesciebam me debere: obstrictus eram, & amare nondum coeperam. Quid dicam? ingeniosus meherclè affectus tuus fuit: ut epistolam mitteret, Parodiam dictavit. Nimirum decreveras nonnisi obligatum ad familiaritatem ducere. Ductus sum; atque tam amico nihilominus affatu, ut ab epistolâ orsus videare; Parodiam affectui duntaxat stabiliendo adjecisse. O Manum tuam! ô Musam! jungo utramque: nescio enim utram prius venerer. Discrevistî utramque, ut sic magis sociares. Reddo nunc meam ecce, sed manum, non Musam: & ingenio me vinci patiar, si affectu saltem par sim. Amo, quem laudare possum: tu me laudasti, ne sine causâ amare viderere. Perge amare,

ne

EPISTOLARVM APPARATVS. TOI
ne frustra laudaveris : ego, ut ama-
re me profitear, ad laudes stylum
deducam. Addam ingenii munus-
cula, ut pariter eliciam. Vale.

EPISTOLA L.

Bruxellam.

PHILIPPO CHIFFLETIO

Suo.

O Te benignum, mi CHIFFLE-
TI; non indicas te amare, sed
ostendis. Ergò tanti est, plures ha-
bere hostes, ut unum Amicum ha-
beas. Vnum, sed verum; unum, sed
CHIFFLETIUM qui in floridâ adhuc
ætate, maturos virtutis & doctrinæ
fructus profert. Sed hostes mei ad-
huc mihi ignoti sunt : & nōne aut
timidiore, aut maligniore, quia
ex insidiis conspirant. Amat calum-
nia latebras : erumpit, cum nocere
potest. Erumpat verò, paratum me
& impavidum inveniet. Tanquàm
pulchrum

pulchrum & gloriosum sit, per turbines & tempestates ad portum eluctari, sustinebo quicquid Fortuna minabitur, & vincam. Non potest nisi flammam fumus, nisi famam obtrectatio dare, si fumum ignis, obtrectationem animus superat. Ignis animus est, sed ille purus ac serenus, Deo & Sapientiæ mancipatus. Deum sequor, quidni rerum humanarum securus sim? Sapientiam sequor, aberrare à tranquillitate non possum. Et quomodo? manum tu quoque porrigis, roburque addis; quo vel majori injuriæ sufficiam. Itaque parent incendium adversarii, paleas putabo; expediant faces, Puteus ero, & aquarum laticem effundam. Incalēscent illæ, & tanquàm ab hoste sumant ignem, terrori erunt. Quid si dicam, jam incaluisse? Dico, sed amore tui, Vale.

EPISTOLA LI.

IACOBO ROLANTIO,

*Contubernali suo,**postea Cursorum Antuerpiæ
Præfecto.*

VT à sermone ad epistolam ve-
 niam, Optime & Ingeniosissi-
 me mi ROLANTI, tam verum est,
 Trojam à Græcis captam esse,
 quàm hominem Pastorem Dea-
 rum libidinantium iudicem exti-
 tisse. In cælo an decrant pulchritu-
 dinis arbitri, & in terrâ sumi bubul-
 cus debuit? Venus igitur Helenam
 dedit, formæ pretium, ut maxi-
 mum malum daret, & universam
 Priami fortunam subverteret. Quis
 Auctor? Homerus: Quis? natione
 Græcus, ingenio Poëta, fortunâ
 mendicus. Pleraque ficta, quæ in
 Iliade; ne vera putes, quæ de fine
 belli ingeniosè narrantur. Apud
 h 2 Ægy-

Ægyptios olim alia longè de his rebus opinio : quibus inter alias historias antiquas , hæc quoque Trojana servabatur . Tyndarus , Sparte Rex, Castorem & Pollucem filios habuit, filias Clytemnestram Helenamque. Helena cum pulcherrima esset, adhuc puella, rapta à Theseo Athenarum Rege. Pro Sorore Castores bellum movent, Athenas expugnant, & Helenam postliminio reducunt. Imperabat eo tempore Argivis Agamemnon, sed peregrinus. Is potentiam suspiciens Castoris & Pollucis, affinitate regnum firmatum ivit, ductâ in uxorem Clytemnestrâ. Helenam deinde fratri destinabat Menelao. Cum de his nuptiis ageretur , plures undiq; proci adveniunt; etiam è Priami regno & domo Alexander , quem Paridem dicunt. Hic tanquam potior potentiorque, sponsam obtinet, Asiaticam affinitatem

EPISTOLARVM APPARATVS. IOS
tatem Græcæ præferente Tyndaro.
Opibus liberisq̃ue florentissimum
Priamum esse: Clytemnestram jam
nuptam Agamemnoni, satisq̃ue
domi præsidii haberi. Nisi hæc ve-
rò hunc in modum facta sint, quo-
modò alienam Paris uxorem ab-
duxerit? Volentem? an nolentem?
Nugæ. Nuptiæ fuerunt, non ra-
ptus: maritum, non adulterum He-
lena secuta est. Repulsa, pro injuriâ
Menelao fuit: sed Proci simul Græ-
ci arma capiunt, tanquam omnes
læsi; alii ad vindictam, alii ad præ-
dam adspirare. Pro fratre maxime
Agamemnon egit, quia metuere
Alexandrum poterat. Mittuntur
igitur in antecessum legati, qui
Helenam repetant: Græcam esse,
Græco in matrimonium deberi,
non Barbaro. Quia verbis nihil im-
petratum, armis res geri cœpit. Sed
ejusmodi bellum facile sustinere
Trojani potuerunt, quia robustio-
res.

Ægyptios olim alia longè de his rebus opinio : quibus inter alias historias antiquas , hæc quoque Trojana servabatur . Tyndarus , Sparæ Rex, Castorem & Pollucem filios habuit, filias Clytemnestram Helenamque. Helena cum pulcherrima esset, adhuc puella, rapta à Theseo Athenarum Rege. Pro Sorore Castores bellum movent, Athenas expugnant, & Helenam postliminio reducunt. Imperabat eo tempore Argivis Agamemnon, sed peregrinus. Is potentiam suspiciens Castoris & Pollucis, affinitate regnum firmatum ivit, ductâ in uxorem Clytemnestrâ. Helenam deinde fratri destinabat Menelao. Cum de his nuptiis ageretur , plures undiq; proci adveniunt; etiam è Priami regno & domo Alexander, quem Paridem dicunt. Hic tanquam potior potentiorque, sponsam obtinet, Asiaticam affinitatem

EPISTOLARVM APPARATVS. 105
atem Græcæ præferente Tyndaro.
Opibus liberisq̃ue florentissimum
Priamum esse: Clytemnestram jam
nuptam Agamemnoni, satisq̃ue
domi præsidii haberi. Nisi hæc ver-
rò hunc in modum facta sint, quo-
modò alienam Paris uxorem ab-
duxerit? Volentem? an nolentem?
Nugæ. Nuptiæ fuerunt, non ra-
ptus: maritum, non adulterum He-
lena secuta est. Repulsa, pro injuriâ
Menelao fuit: sed Proci simul Græ-
ci arma capiunt, tanquam omnes
læsi; alii ad vindictam, alii ad præ-
dam adspirare. Pro fratre maximè
Agamemnon egit, quia metuere
Alexandrum poterat. Mittuntur
igitur in antecessum legati, qui
Helenam repetant: Græcam esse,
Græco in matrimonium deberi,
non Barbaro. Quia verbis nihil im-
petratum, armis res geri cœpit. Sed
ejusmodi bellum facile sustinere
Trojani potuerunt, quia robustio-
res.

res. Promptos quoque causſa faciebat: Legitimi defenſores matrimonio erant. Alioqui raptam reddere unusquisque maluiſſet, quàm in diſcrimen urbem, regnum, ſanguinem deducere. Verum enim verò pro Alexandro pater Priamus, frater Hector, & Trojani omnes ſteterunt. Si rapta eſſet, poterat ſanè poſt Alexandri mortem Menelao reddi, & Vrbs liberari. At verò illa Deiphobo nupſit; ut ſcias nullum illi maritum, niſi Alexandrum fuiſſe: imò nihil Græcis conceſſum, ut ſcias ad iniquum bellum proſeſtos. Sed ſi alii communi hanc cauſſam auxilio ſuſcepere, cur non Caſtor & Pollux? Minuſne peccaverit Paris, quàm Theſeus? Admiratur ipſa Helena apud Homerum, non a deſſe vindices fratres: quippe à quibus ſemel fuiſſet reduſta. Nimirum, ne pugnarent, jam obiſſe diem à Poëtâ ſinguntur. Sed in vivis fuiſſe Caſtores,

stores , cùm Helena dicitur rapta esse, manifestum est. Quid etiam? decennium Agamemnon impendit, ut exercitum colligeret. Hem! tamdiu expectaturos fuisse fratres, ad quos præcipuè hæc injuria spectabat? Cum suis proficisci copiis poterant, & statim proficisci: reducere sine morâ ab Alexandro Helenam, quemadmodum à Theseo reduxerant. Prætercà, Tyndarus pater cur non cum reliquis profectus est Græcis, si filii fati jam concesserant? Is vel maximè læsus erat. An ætas oberat? at Nestore & Phœnice junior erat. Quod ajunt etiam, Menelaum Regem fuisse Lacedæmoniorum, falsum est. Tyndarus vivebat. Bellum ipsum sic gestum, ut nullam sperare victoriam Græci potuerint. Plura passi damna, quàm intulerint, non tam obsidere, quàm obsessi videbantur. Accessit pestilentia, fames, & sedi-

tio inter Duces, denique clades;
 varia ac fuga. Tandem ab Achille
 uno conversam belli faciem vo-
 lunt: ab eo occisum Hectorem,
 qui contrà Achillem occidit. Iam
 verò quàm ridiculum, ab equo Vr-
 bem captam, in Urbem scilicet, ru-
 ptis muris inducto! Sed exitum vi-
 deamus. Quomodò in Græciam
 suam Græci tandem reversi? non
 profectò ut victores, sed ut victi.
 Coacti fugere (ut breviter dicam),
 hieme solverant naves, quas tem-
 pestas disperfit. Sic quisque venit
 domum, ut mœrorem attulerit.
 Alius rejectus à suis, alius pulsus,
 alius occisus. At herclè, Trojano-
 rum res victoriâ auctæ sunt, missus-
 que cum classe Æneas ab Hectore,
 Italiam occupavit. Helenus in me-
 diam erumpens Græciam, apud
 Molossos regnum obtinuit. Ma-
 gnarum virium hi successus sunt.
 Quid igitur? Quia alia Historia
 non

non erat, & Homero mendacium placuit, uni à posteris creditum est. Compendio hæc ego, & succinctè: plura, si voles, apud Dionem Chrysostomum vide, in Oratione, De Ilio non capto. Salve, &, si ita videtur, ad Amplissimum Parentem tuum, meum & Patriæ magnum decus, in quo pari laude Virtus, Doctrina, Dignitas relucet, epistolæ hujus exemplar trans mitte: sermones nostros alios hinc ille, & quotidianos, colliget, unò amabit.

EPISTOLA LII.

Bruxellam.

PETRO PECQVIO,

Brabantia Cancellario.

A Vreus iste è Iove ramus est,
 PHILIPPVS CHIFFLETIVS, &
 quod mireris, à me, & domo meâ
 venit. Talem ego contubernalem
 annon laudem? Magis etiam, quia

h s

Virtutes

Virtutes tuas familiarius veneratur. Vultum inspicere, & animum notabis. *Α' εἰς τὸ δὲ θεόπτερον*. Sed tu, Vir Amplissime, auge benevolentię tuę radium, & sic complectere quem amas, ut & meâ causâ amare videaris. Non possum id quidem rogare, nisi aliquid meritis ejus detrahā, qui cū tuo dignus sit affectu, meum possit negligere: rogo tamen, cū modestiam ejus offensurus non sim, qui satis colere te non videtur, nisi in consortium obsequii me quoque adducat. Cupio sanē vel superfluo officio testari animum meum, ut amorem impetrem. Et nōne hoc satis? Mereri videbor, si impetrem. ENCHIRIDIUM ETHICVM mox vel mittam, vel feram; non munus, sed pignus, ut videas, Commentarios me debere. Hos persolvam, & obstrictus tamen ero. Vale.

EPISTOLA LIII.

Lovanii, in Arce.

ALBERTO RICHARDOTO,
Domino De Barly, Contubernali suo.

QVæ aliquando in laudem Iu-
 ventutis nostræ à me scripta,
 Nobilissime ALBERTE, in exem-
 plum ecce depromuntur : & quæ
 Avo tuo, Viro Magno, omnibusque
 sæculis admirando, inscripta, ad te
 veniunt, quasi jure quodam tua. Si-
 ve hunc autem inspicias, excitari ad
 verum decus potes : sive illa mea,
 te tibi repræsentant. Sic natus es,
 & eâ præditus Indole ; ut Optimi
 Illustrissimique Parentes tui, sum-
 ma omnia expectent : sic etiam
 educaris & institueris, ut nisi à te
 abeas, ostendere possis, quid sit ve-
 rè nobilem atque generosum esse.
 Tenella quidem hæc adhuc ætas,
 & velut ludens ; mens tamen jam
 præcoci

præcoci velut maturitate litterarum capax est, & lingua Latinitatis. Hoc igitur *εὐπαιδείας* compendio discas, quæ ad sermonem faciunt, rebus scientiisq̃ue citius admoventus. Loqui, primum est, & usu parari debet: sapere, plus temporis exigit. Sed tu jam loqui cœpisti, ut sapere mox audeas, & præstare, quæ nostro etiam sæculo negata sunt. Cogitabis verò te in Contubernio meo esse, imò in Arce Principis. In contubernio meo:quemadmodum in Lipsi aliquando ipse Pater tuus fuit. In Arce Principis, in quâ CAROLVS ille V. ille verè summus, cùm adhuc puer esset, & educatus, & institutus fuit. Alterum pium, alterum Magnum exemplum est: utrumque si amabis, parvus nunquam eris. Vt cogites igitur, hæc imago faciet, quâ BONAM INDOLEM, id est tuam, ego tuus descripsi. Vale.

EPI.

EPISTOLA LIV.

Bruxellam.

IOANNI DE VILLELA,

Iustitiæ Militaris Summo Praefecto.

IN ipsis studiis meis laboribus-
 que, & Virtutem tuam, Illustris-
 sime Vir, & doctrinam identidem
 mecum perpendo: etiam Munus;
 illud, inquam, Militare, quo profe-
 ctò ad militiam ipse quodammodò
 ducor: non ut geram arma, sed ut
 lustrem, atque examinem. In Anti-
 quitate totà quid nisi bella sunt?
 Ipsa nobis Minerva Martem repræ-
 sentat. Ergò ad nostra quoque tem-
 pora & consilia revoco, quæ à Græ-
 cis olim, Romanisque gesta sunt;
 & præscriptas velut rerum nostra-
 rum imagines deprehendo. Hacten-
 us mirari soleo, cur nulla, aut exi-
 gua nobis classis sit, cum & mare
 habeamus, & adversarios mari fe-

-ROCES.

roces. Paullatim reprimendi sunt :
 paullatim alliciendi , qui adferre
 peritiâ simul , & sic victoriâ
 possunt. Venient sponte , pellekti
 stipendiis, quæ à Rege majora sunt,
 aut hac de causâ esse debent. Ne
 dubitemus : cum lucro dispendium
 erit : nec frustra Pericles apud
 Thucydidem : μέγα γ' ἔστι τῆς θαλάσ-
 σης κρηΐδος. Sextus Pompejus quàm
 gravis surgenti jam Augusto & Im-
 perio Romano fuit ? Classe fuit, &
 velut novus aliquis Neptunus. Ut
 Rempublicam etiam fractus defen-
 deret, in Siciliam fugit, naves colle-
 git, Italiam infestavit, novumque
 tandem Cæsarem ad conditiones
 pacis coëgit. Fœdera inita sunt, sed
 ut in bellum denuò erumperent.
 Non poterat vinci Pompejus nisi
 classe : & semel iterumque impen-
 dit classem Cæsar, ut nihilominus
 vinceret. Fugavit hostem, & quàm
 potentem ! trecentarum quinquâ-
 ginta

EPISTOLARVM APPARATVS. II;
ginta navium dominum, & toto
mari pepulit. *Non alia post Xerxem
misericabilior fuga.* Atque tum par-
tium quoque nomen defuit. Passim
se insinuant exempla, tam nova,
quàm antiqua, & Mare nobis com-
mendant. Quid? monet necessitas,
ut totam belli molem usurpemus,
etiam in mediâ pace. Citra cladem
licet, magni tamen momenti terror
erit; inferendus aliquando, quâ se
invictum hostis arbitratur. Paulka-
tim demittet animos, si navium
quoque fiduciâ irruemus. Ne pu-
deat imitari, quos contemnere po-
tuimus: potentia Regis, si rectè ad-
ministratur, fortunam faciet. Ergò
nec satis, habere classem: consilio,
imperio, disciplinâ opus; ut qui re-
gunt periti sint, & publicum com-
modum suo anteponant; imò, ut
qui reguntur periti sint, & facili
mercede, severâ lege fortes. Si res
succeedat, aliquo etiam fungi mu-
nere

nere possit, ille nuper à me commendatus. Eâ enim probitate & prudentiâ est, eo ingenio & doctrinâ, ut jure commendatus. Tales omnino viri sînt, qui rebus admoventur, & cum fructu vires erunt. Vale.

EPISTOLA LV.

Bruxellam.

REMACLO ROBERTIO,

Annone Militaris Praefecto.

HActenus me typographus duxit, quicum de ANTIBOG-CALINO egeram, transegeramque. Jam verò longiores etiam videtur moras nectere, nescio quibus fori pyctaciis impeditus. Itaque recepi librum : nec ille invitus reddidit, cum à solitis nollet operibus recedere. Doleo ego alienâ culpâ obsequii mei fidem hære : nam statim perlegi Scriptum, quod & argu-
mento,

mento, & stilo se commendat. Latinitas facilis est, & colores alibi suos habet: acrimoniam duntaxat desidero ac vigorem. Operæ pretium verò sit, plura BOCCALINI ad censuram vocari: qui cum bene agere non posset, malè scribere voluit, & obtreptione alienæ famæ, non tam venit ad famam, quàm grassatus est. Ille quidem obiit, sed Parnassi petulantia vivit; toties violari, quoties iudicem Apollinem fecit. Nónne & mortuis ipse gravis? Nimirum vivos metuebat. Ergò Amicus ille, involuto nomine SANDORANVS, nomine æterno dignus est, dignus appellari Magnus, qui magnitudinem CONSALVO asseruit. Vale, & me ama.

EPISTOLA LVI.

Huius.

AVGVSTINO NERIO,

Summo Ordinis S. Crucis Præfecto.

MAgnum æternumque hoc beneficium est, quod accipio: in merita tantæ familiæ, & sacro quodam jure, adoptari; participem, imò heredem fieri tot bonorum. Dives fio; & nihil fortunæ debeo: beatus fio, & Deo atque æternitati jungor. Ecce erigo animum salutari CRVCIS tesserâ, & jam tua signa, imò tua imperia sequor, miles ducis, filius patris. Alii verò pugnant, ad victoriam ego vocor: laborant alii, ad fructum ego venio. Vt omnia dicam, tuum me esse voluisti, & peculiari benevolentia complexus es. Hactenus igitur, & quidem à puero deditus Ordini tam Sacro fui; at jam mancipatus sum,

ac

EPISTOLARVM APPARATVS. II9
ne morte quidem divellendus. Et-
enim extendit se ultra naturæ fines,
& jura, hæc, pietas dicam, an libera-
litas ? & cùm inter homines non
ero, tamen inter Amicos me Ordo
vester censebit. Sic quidem vivus
mortuusque capiam beneficium, &
cùm non ero, obstringi tamen per-
gam. Quid ? vivere cùm desinam,
mortem ignorabo. Et nōne ma-
gnū igitur æternūque hoc be-
neficium est ? dixi : felix & æternus
ero, semperque tuus. Vale.

EPISTOLA LVII.
IOANNI CONENIO,
Monasterii Tongerloënsis Priori.

FACIT humanitas tua, ut pecu-
liari affectu doctrinam, pru-
dentiam, pietatem, reliquasque in
te lucentes Virtutes colam. Sed
cùm doctus, prudens, pius sis, non
potes non humanus esse. Ab istis
fontibus hic rivus est, ab istis ramis

hic fructus. Nunc ne longior sim, obstrictum me fateri malo, quam disputare quantum debeam: & gratiam dicere, quam modum beneficii definire. Vidi & lustravi *αὐτῆς* *εἰς* structurâ, & magis disciplinâ, pulcherrimum. Amplius: vidi, te ducente, commonstrante, & sic magis animum voluptate imbui. Etenim captus benevolentia tam promptâ, captus amicâ sermonis dulcedine & elegantia, duci me passus sum; ut gemino simul ornamento fruerer, loci, & viri. Ornare locum, Vir Optime, nisi ornatissimus ille esset: & ornas, tamen, licet omnibus ille modis resplendeat. De reliquâ hospitalitate nihil addo: magnificâ modestiâ testatus es, nomen isthuc meum in pretio esse, ubi an innotuisset, poteram dubitare. Mitto nunc hæc è Germaniâ, & de Germaniâ Schediasmata; Pietatis, quæ addixi, Thau-

Thaumata propediem missurus. Ecce familiarem me reddo, & redire aliquando cupio, ut otiosius Bibliothecam inspiciam: redire, ut præsentem ipsum Antistitem venerer, Solem in illo cælo. Vale. Comites itineris mei officiosam S. adscribi à me voluerunt.

EPISTOLA LVIII.

DOMINICO AVENGOCHEÆ,

Senatori Regio in Curia Aragonum,

QUOD & SACCVM amas, & LIP-
SIVM laudas, satis est, ut intel-
ligam, quid quantumque virtuti-
bus tuis debeatur. Sed ego parum
profectò amare te videar, nisi lau-
dem; laudare parum, nisi amem: in
te Saccum, in te Lipsium habeo.
Elegantissima hæc epistola tua,
quid aliud quàm doctrinæ pruden-
tiæque testera est? Stilus, quid nisi
amoris thyrsus? Legi, relegi quæ
scribis, & verè admiratus sum. Ad-

miratus quoque, inter magna illa nomina & familiaritatem Cruceii, Gyraldi, Rasarii, studiorum tuorum flores olim adolevisse. Sed fructum video; imò ætatem, quasi ab alio sæculo video, & hoc nostrum tuo nunc senio juvenescere. Sic vivis igitur, ut nunquam moriturus sis: & sic me amas, ut accendas. O verè radii! è sublimi, & tanquàm à Sole. Nimirum immemor dignitatis tuæ, humanitatem sequeris, & ad hominem alienum, atque inferiori positum loco venis. Si tanti litteras facis; à te evectas dixerim: tuas esse voluisti, & nunc me quoque tuum. MEDICÆVS ille à me descriptus placuit? Conatus certè Historicus est, & velut ἐπίδειγμα. Irruptiones Barbarorum in Italiam aliquis fortassis posteritatis favor excipiet: quod ego opus feliciter (liceat dicere) de Insubribus condidi, ut bene de omnibus mererer. Nunc aut

carmen

carmen ex intervallo pango, aut
salutare aliquod dogma liberiore
stilo explico. Facile vel in ipso otio
negotium est; & mens cum sibi va-
cat, pulcherrimè occupatur. Utili
& laudabili labore tractat litteras,
qui suos potius componit mores,
quàm alienos narrat: non quomo-
dò Principes populiq̃ue vixerint,
sed quomodò vivendum sit omni-
bus, ore ac stilo tradit. Hæc profe-
ctò vera Historia est; & qui sic scri-
bit, non cassâ animum lenit volu-
ptate aut oblectat; sed solidâ im-
plet ac roborat. Deinde ne aliunde
expectet præmia, in se invenit:
quippe virtutis & doctrinæ stipat
opes; quæ, ut à nemine dantur, ita
nec Fortunæ obnoxix sunt. Te re-
spicio, Vir Magne, & felicem judi-
co. Etenim, ut bonus doctusq̃ue
esses, occupasti ingenium; & ut Sa-
pientiæ placeres, artes omnes &
elegantias complexus es. His igitur

fulcris subsidiisque; securum ætatis fastigium est; securum dignitatis. Oppugnari potes, dejici non potes. Nuper etiam siquid passus es; id gloriæ accessit: & nonne tanti erat pati? Iam clarior; victis tenebris, lucet; securior etiam, quia nullam amplius noctem times. Atque hoc est, virtute, non ambitu ad honores venire; innocentia, non cupiditate agere omnia; non minori eruditione, quàm dignitate esse. Adversarios quidni vinceret? jam te ipse vicerat; sollicitus semper, ut omnem ab animo labem & corruptellam removeres. Ergo quia bonus eras, inimicos invenisti: sed elisa & confRACTA calumniæ tela, verum animi tui robur ostenderunt. Sic quidem doctrina armârat innocentiam, & strictum à te stilum suis acutiores spiculis inimici confessi sunt. Sciebant fortassè te bonum esse, sed doctum nesciebant; & sic fiducia

fiduciâ malitiæ decepti sunt. Hoc nunc igitur sibi persuadeant velim, à nobis ingenium tuum coli, qui omnia virtuti deferimus; coli virtutem tuam, qui vitam omnem ingenio metimur: siquid autem in nobis virtutis, siquid ingenii, id totum famæ tuæ impensum iri. Ecce ministros habes, licet auxilio non indigeas: & nunc triumphum tuum sequimur, tanquam ad nos quoque victoria pertineat. Vides affectum, sed quem sine elogio depromere non potui. Sanè ut lauderis, plures jam Lipsii erunt; ut ameris, plures Sacci. Ego, ego utrumque illum, ita me Deus, exprimam; imò utrumque conabor vincere. Sic Lipsius meo etiam ore loqui videbitur, quamvis extinctus: Saccus autem, qui adhuc loquitur, magis amare. Reddes vicem: laudabis utrumque illum, quia Summum; me amabis, quia tuum. Sic vale,

& ut longum lauderis ac ameris,
vive.

EPISTOLA LIX.

Romam.

IO. BAPT. AVOGADRO, V.C.

Quomodocumque ageres, Vir
Doctissime, obscurus esse non
poteras: ita enim in Belgarum jam
conspectum venis, ut non invenias
lucem, sed adferas. Prorsus Sapien-
tiæ deditus atque dedicatus, ne la-
teres, latere voluisti: te ipse scire,
necui ignotus esses. Suave otium,
quod cum Musis agitur: laudatum
silentium, quod te famâ dignum
& æternitate reddit. Sic te scribere!
Sanè & acumen dictionis, & simul
decus admiror. Figuntur verba tua,
non cadunt; delectant, non one-
rant; quàm robusta, tam pulchra;
quàm repentina, tam exacta. Quia
mente scribis, nihil jam addi stilo
potest. Una hæc epistola tua, velut
ingenii

ingenii flammula est, & lucet;
 velut gemmā, & thesauros indicat.
 An premas igitur, aut procrastines?
 VANNOZZIVS insignis prudentiæ
 & doctrinæ Vir, hanc in te depre-
 hendit felicitatem, ideoq; angustis
 non sivit modestiæ limitibus cir-
 cumscribi: & tanquàm de bono pu-
 blico sollicitus, tribuendum putavit
 nomini tuo, quantum ingenium
 meretur. Ego tribuo: te, mi AVO-
 GADRE amo, & videre tua cupio;
 non ut censeam, sed ut laudem. In
 optimis enim non iudicio, sed elo-
 gio opus. Optima etiam censura,
 quæ solâ laude perfecta est, Vale.
 VANNOZZIO tuo, (& nōnne meo?)
 salutem reddo.

EPISTOLA LX.

Bruxellam.

IOANNI BEMBENO

Suo, v. c.

NEscio an hæc te litteræ inven-
turæ sint. Frustra tamen malo
scribere; quàm aut officio deesse,
aut amorì non satisfacere. Nosti
simplicissimum candorem meum,
& ego tuum. Nosti, nihil mihi sua-
vius esse posse, quàm tecum philo-
sophari. Sed magna pars hominum
stulti sunt, quia sapientiam non
ferunt, quia virtutem pecuniâ me-
tiuntur. Quis verè bonus est, etiam
ex illis qui videntur esse? Si ausim
dicere; lucri causâ plerique mali
sunt, & manum mentemque solâ
avaritiâ occupant. Paucis hoc sa-
pientia dedit, honestum ab inho-
nesto segregare; vivere, non quo-
modo vivitur, sed quemadmodum
viven-

vivendum est. Hos valere dixerim, quia ab ipso animo, sed non ægroto, ordiuntur amicitiam, & alunt; felices esse, quia aliorum infelicitatem intelligunt. Tam nobile nonne ad nos exemplum pertinet? Animo & corpore vivimus: utriusque habenda ratio est. Animum sapientiâ perge colere, & lætum facies: corpori, quæ bona valetudo exigit, indulgenda sunt; quæ malam possint reddere, subtrahenda. An brevius? sic vive, ut valeas, hoc erit sapere: sic vale, ut vivas, hoc erit felicem esse.

EPISTOLA LXI.

Bruxellam.

FRANCISCO KINSCHOTIO, V. A.

Supremo Belgica Thesaurario.

LOqui audebo, tibi silentium velut delictum est: audebo, ubi de bono publico & honore agitur

agitur Principis ; auctoritatem
 tuam interpellare. Vectigalium re-
 demptores , qui Mosæ commercia
 obnoxia sibi habent, grave & odio-
 sum populis munus , iniquis & in-
 tolerandis planè modis exercent.
 Parum est exigere : etiam quæ non
 debentur , extorquent , & officii
 nomine violenti sunt. Parum est
 tondère ; deglubunt misellos , &
 alienam miseriam delicias suas ha-
 bent. Privata avaritia quid nisi pu-
 blicum dampnum est? Sterilis navi-
 gantium numerus paullatim red-
 ditur, & ad ortum fluvius venit. Plu-
 rique enim , quia oneri non suffi-
 ciunt , commercia intermittunt :
 alii, quia nullum lucrum est, cessare
 malunt, quàm vexari. Interea Bata-
 vi in rem suam attenti, & necessita-
 te coacti , aliunde & æris florem,
 & alumen, & alias merces petunt;
 imò hoc agunt, ut in posterum ca-
 rere subsidio Mosæ possint. Sic
 igitur

igitur transferentur negotia, nec
facile restituenda, si cum publico
damno, privatim quærere lucrum
conductores pergent. Ab Urbibus
populisque Geldriæ rogatus nuper
fui, ut hujus rei statum Illustrissimo
Collegio vestro exponerem: quod
facere tum quidem distuli, ut ma-
gis causas mali penetrarem. Pene-
travi, & gravissimas deprehendi.
Omitto, rem nunc quoque Fra-
trum meorum agi, qui ut querelas
deponerent, Venlonâ huc vene-
runt, adversus violentas exactio-
nes auxilium petitori. Ut benignè
audiantur, rogo, & ut grassanti
avaritiæ obstaculum ponatur. Ape-
rient ipsi quid hætenus passi sint,
& quid tot alii quotidie patiantur.
Ego hoc negotium meum puto,
quia de bono publico, & honore
Principis agitur, quemadmodum
dixi. Nunc autem restringi audacia
debet, ut minus noceat; donec ad
antiquam

antiquam formam ratio vectigalium redigatur. Vale, & affectum meum, quo Patriæ, & Principi studeo, ama.

EPISTOLA LXII.

Lugdunum Bat.

DANIELI HEINSIO, V. A.

Magna profectò res Amor est, quando honestis radicibus coaruit: magna, Virtus, quæ Amorem gignit. Semel, ita me Deus, juncti sumus, ne unquam disjungamur: amare in te cœpi, quod extingui nunquam poterit. Igitur quocumque vivemus fato aut fidere, semel dictam Sapientiæ legem nulla convellet fortuna: in mediâ tempestate inconcussus affectus erit. Te nunc velut astrum quoddam non unus populus inruetur: turbent elementa, tamen lucebis; collidatur natura, tamen æternus eris. Infra te est, quicquid homines

homines aut timent nimium, aut
 æstimant, bonum suum aut malum
 opinione metientes. Peccent arma,
 in studiis hisce nostris pacem inve-
 nies; & tanquam nullum sit dissi-
 dium Reipublicæ, de Litteris utri-
 que licebit loqui. Mentis tuæ divi-
 nitas nōne argumentum ubique
 præbet? Hæc nisi ametur ab omni-
 bus, parum scitur: HEINSIVM nisi
 summum dicat, quisquis non om-
 ninò abjecti est ingenii, non satis
 novit. Ego tantum mihi tribuo, ut
 qui sis, & quàm rarus in totâ erudi-
 torum coronâ, probè intelligere
 videar: tu te ipsum æstima, ut nul-
 lius sinistro judicio impediaris.
 Debebatur verò Virtuti tuæ novus
 hic honos: sed ille à tali Rege, qui
 æternitatem ante oculos habet, &
 veram à Musis gloriam expectat.
 Non poteras major esse, quam eras:
 vidêris nunc tamen, postquàm tuo
 nomine Rex ipse crevit. Crevit, in-
 k quam,

quam, & qui te in sublime extulit, multos infra se depreffit. De stipendio Militari Syntagma istud ad te mitto, ut legas atque examines. LIPSIVM, ubi vel maximè ingeniosus fuit, hallucinatum esse, plures fortassis mirabuntur. Vale.

EPISTOLA LXIII.

Bruxellam.

A V B E R T O M I R Æ O,
Serenissimis Principibus à Sacris.

GEOGRAPHIAM tuam ECCLESIASTICAM accepi, gratum profectò munus; quia & curiosum, & utile. Simul semelque repræsentas, quicquid à Sacris Infulis in Orbe terrarum regitur: nec potest jam tuum angustioribus limitibus nomen claudi. Vbicumque Episcopi sunt, MIRÆVS quoque erit, ingenio, labore, doctrinā Mirus, & jam dignus inter illos censei. Amplius
est,

est, sic describere omnes Vrbes, quàm uni præesse. Tuus sanè calamus nihil Pedit Episcopali cedit: & corona tamen laborum (permitte ut dicam) Mitra erit. Ego in meo pulvere tenues pergo sulcos ducere, & nunc istud De Stipendio Militari Syntagmation publicabam. Inspice, si vacat: hoc velut pignore obligatum me profiteor. Vale.

EPISTOLA LXIV.

Mediolanum.

HIERONYMO BOSSIO,

Eloquentia Professori.

Quidni te complectar, mi Bossi, & inter Amicos habeam? Sustines munus & adornas, quod me quoque insignium tot virorum famæ adjunxit, cum ipsâ semper eloquentiâ victuræ: sustines famam, ne intermori possit. Mea hæc
 quidem

quidem gloria est, successisse tam magnis: felicitas, te videre Successorem, quem magnum fore prævideo. Nam profectò non claudetur hac scholâ, aut hac fortunâ ingenii tui dignitas. Vt ætas est, flores adhuc colligis: fructum anni crescentes dabunt. Quid? Lucere incipis, plenum nominis jubar aliquando sparsurus. Quantum ipse cresces, mihi addes quoque; quem ut priorum fama provexit, ita tua suffulciet, & omnino faciet tuum. Vtriusque mihi propono facem temporis: an tenebras timeam? à præterito facundus ille MAIORAGIVS (nec plures jam recenseo) lucet: à futuro tu, Doctissime BOSSI, lucebis, & MAIORAGIVM exprimes. Non me scintillæ Suadæ tuæ fallunt, nuperâ epistolâ expressæ: ac sanè potuisti à Clarissimo TIRIO, velut eruditionis titione hunc ignem accendere. Verè igitur illum

tuum

tuum nominas, olim & mihi (sanctè dico) carum, & nunc in te colendum. Locum ejus cathedramque, à Bononiensibus denuò mihi oblatum, æstimare debeo; capere autem hoc tempore non possum. Impedimenta sunt; & vocari, quàm ire facilius est. Sed ubicumque ero, amabo Italiam; amabo Italorum de me judicia, consensu quodam velut confirmata. Accedit & tuum suffragium; an elogium? Epigramma, inquam, gemino Musarum lepore pictum. Benè est: amare te ostendis, & hoc suave mihi. De meo autem affectu an dubites? initio dixi: te complector, mi Bossi, & inter Amicos habeo. Vale.

EPISTOLA LXV.

Bruxellam.

FREDERICO MARSELARIO

Suo.

DE rebus jam meis parum est, modò feliciter tuæ succedant. Sed an in parte successerunt? Nam Quæstoris te Urbani munere auctum esse rumor nunciat. Gaudeo igitur, & gratulor: hinc enim jam facilius ad communia amicorum vota ascendes. Præstat paullatim, & velut per gradus evehi: ita facilius invidia fortunæ cedit, & publico suffragio præmia decernentur. Crede mihi, qui nimium festinat, nec honorum finit gradus esse, aut labi, aut lassari solet: pleno itineri moderata contentio sufficit. Præstat etiam ad nos honores venire, quàm nos ad honores. Denique cum mereri satis, accipere pulchrum

chrum est : te ipsa mox virtus ad Consulatū ducet : ac tum suave erit, à non uno munere prudentiam collegisse. Sed hæc jam dignitas nōne luculenta? quam si obtineant plerique, se beatos putent. Eos respice, ut videas quā multos præcesseris. Præsenti sanè munere ostendes, te majori dignum esse : ostendes, te sedulum, integrumque esse, & Reipublicæ natum. Sic fuisti hætenus, sic novo exemplo alios facies, qui in te, quia altiozem, oculos conijcient. Vale, & me nunc magis etiam ama.

EPISTOLA LXVI.

Lugdunum Bat.

MATTHIÆ LEVÆO.

BEnignus es, mi LEVÆE : beneficium interpretaris, quod ego tanquam officium debui. An quis adeo barbarus, ut humanitatem peregrino neget? Sed nos quidem,

& Sapientiæ studium vetat communis naturæ oblivisci. Homines omnes sumus, eâdem origine censemur, eâdem conditione vivimus. Errat, qui aut sede, aut lare Amicitiae jura definit. Orbe terrarum juncti sumus : si nec hoc satis, cælo. Ergo generosæ animæ Patriam naturæ finibus claudunt; unamque mortalium omnium familiam putant, & ab uno Deo, velut Patre regi. Ne augeri affectum posse arbitreris, fratres sumus; majorque sic quidem ingenii, quàm sanguinis nexus est. Sed ostendis affectum illum tuum; quia meum æstimas, & lepidissimis litteris extollis: ostendis, ut omnia dicam, jam infra merita tua officium meum fuisse, quod majori humanitate beneficium appellas. In Arcem te, comitesque tuos, juvenes præclaræ indolis, introduxi: & nonne bonis omnibus illa patet? In bibliothecam

EPISTOLARVM APPARATVS. 141
cam quoque : & an abscondi hic
thesaurus debet? Signa vides, pe-
ctus meum occlusum non fuisse.
Nunc etiam ut nihil tibi negem,
admittere in contubernium Ami-
cum tuum illum paratus sum , pro
quo scribis: nec duriori Lege,quàm
quâ alii apud me utuntur, & usi
sunt. Vale, & me amare perge. Ut
CL. ELMENHORSTIVM à me salu-
tes rogo.

EPISTOLA LXVII.

Bruxellam.

PETRO PÉCQVIO, V. A.

Brabantia Cancellario.

INfra te hoc opusculum est, &
tamen mitto. Suscipiet humani-
tas tua, quod eruditio despiciet.
Displicebit pecunia, sed Romana
tamen placebit. O quantò facilius
est, scribere, quàm possidere! an &
addo: quantò melius! Pauci qui-
dem

dem sic philosophantur. Ea autem tempora sunt, ut nisi quis nummos habeat, carere ingenio videatur. Ego, quos non habeo, scripsi. Sapirigitur, & fortassis desipui. Sed juvenus tamen hanc mihi debebit gratiam, numerare incipiet. Vale.

EPISTOLA LXVIII.

Coloniam.

IACOBO MERLO HORSTIO,

Populari suo.

Officium affectu suppleo, mi HORSTI, & adyta pectoris mei pando, quæ penetres. Si me nosti, tuus sum. Nam profectò amore me fecisti tuum. Accedunt litteræ, & amorem spirant, tam elegantes & doctæ, quam humanæ & verecundæ. Ita scribis, ut stili ingeniique vigorem admirari cogar: ita verò librorum meorum extollis. Genium, ut exprimas. Omnino ad
dicentem

dicentem encomia redeunt: & te
 vicissim laudo, ut mutui causam
 amoris videas. Laudo sub eodem
 cælo natum, ab eodem Præceptore
 institutum, pari indole præditum.
 Vnde si Patriam spectamus, facilis
 amicitia est; si Scholam, sancta est;
 si Naturam, necessaria est. Nos au-
 tem Schola ad Naturam, Natura ad
 Patriam ducit: huic prodesse,
 maxima charitas est. Faciamus, sed
 Litterarum amœnitatibus, quas ut
 ego humanæ, tu divinæ perges Sa-
 pientiæ sociare. Perges, inquam, ut
 verè magnus sis, & Deo dignus,
 imò, ut inter homines quidam
 velut Deus. Οἱ πεπαιδευμένοι ὅσους
 διαφέρουσι τῶν ἀπαιδευτῶν, ὅσους θεοὶ τῶν
 ἀνθρώπων. Vale.

EPISTOLA LXIX.

*Bruxellam.*CHRISTOPHORO DE BENAVENTE
ET BENAVIDES,*Summo Militiæ Regiæ Censori.*

PLacuisse libellos meos vehementer gaudeo. Sed exiguum hoc affectûs cultusque mei signum est, & majoris, ut sic dicam, muneris auctoramentum. Hoc ago, ut tota ingenii mei supellex in Musæo tuo sit, & Puteani nomen memoriamque ingerat. Quid autem gloriosius, quam à tam magno legi, cum vel à Solo legi, famam putem. Sanè in summis negotiis, menti vacare, in Amplissimâ dignitate elegantem, amœnum, doctum esse, rarum est. Intelligis quænam solida rerum omnium fulcra sint, & usurpas. Ergò alii, ut rectè emineant, exemplum tuum sequentur: ego, ut
cum

EPISTOLARVM APPARATVS. 145
cum fructu tractem litteras, indu-
striam tuam imitabor. Quàm mul-
ta lecta, scripta, observata habes! ut
in floridâ hac ætate nihil ignorare
videaris. Sermonis tui nuperi obli-
visci non possum, quâ prudentiâ &
sapientiâ, eâ humanitate temperati.
Quia verò humanus es, amare me
voluisti; quia prudens, & sapiens,
eligere potuisti, quem amares. Vn-
de quemadmodum affectu judi-
cantis beatus sum: ita iudicio a-
mantis triumpho. Quid etiam?
mittis litteras, ne leviter amare, ne
temerè judicare videaris. Vale.

EPISTOLA LXX.

Veronam.

ANDREÆ CHIOCCO,

V. C.

DE silentio meo cur severius
statuas? Amorem inspicere, nul-
lo vitio labefactatum. Ingenuè vis-
dicam?

dicam? in pectore mihi nomen
tuum sculptum est: & nōne meum
in tuo?

----- εἰδ' ἄμμε διακρινέει φιλόηθη

Ἄλλο, παρ' ὅθι θανάτῳ μεμρμένον
ἀμφιγαλῦσα.

Sic semel statue, & meo damno
fieri, si non scribo quæ legas; meo
dolore, si non legam quæ scribis.
Ergò amplius apud me occupa-
tiunculæ interdum possunt, quàm
deliciæ: quippe hæ pelliciunt ma-
num, illæ abstrahunt. Te compel-
lare litteris, deliciæ sunt; à te com-
pellari, voluptas mera. Quid etiam?
effecisti scribendo, ut silere potue-
rim: dedisti voluptatem, quæ de-
licias omnes vincat. O doctrinam
tuam! ô elegantiam! sed cùm ævum
hoc nostrum superes, cum Anti-
quitate potes decertare. Ego te
suspicio, & quia amor, non jam
humiles animos gero. Ego te: tu
magna, sublimia, æterna: quemad-
modum

EPISTOLARVM APPARATVS. 147
modum in pulcherrimo scito tuo
lego.

Θυμὲ βλέψον ἄνω, χθονίων δ' ἐπιλήθεο
παίων.

Atque hoc profectò est, magnum,
sublimem, æternum esse. Ergò cùm
lucubratiunculas meas legis, hu-
manus es, & de fastigio ingenii tui
descendis : cùm laudas, aliquid lau-
di tuæ detractum is. Si tanti verò
est, amicum me habere, faxo vi-
deas tam facilè à me libellos, quàm
litteras mitti. Nunc quidem oculos
tuos oratione istâ sacrâ implebo,
inclusurus proximo fasciculo, Quæ
De Stipendio Romano scripsi. Ad
Politica jam reversus sum, & Si-
mulacrum paro, quo Imperii arca-
na repræsententur. Geniales sermo-
nes meos in Amœnitatibus inve-
nies, sive secundo operum tomo.
Hunc, aliosque à BONERO meo
VENTVRINVS accepit : qui si tam
inhumanus est, ut mea tibi neget,
ne

ne mihi quidem amicus esse potest.
Sed longior sum, & sic utcumque
diluiffe silentium videor. Vale.

EPISTOLA LXXI.

Coloniam.

CONRADO BVTGENIO.

DEbeo & litteris, & munusculis
tuis, mi BVTGENI, amicè &
liberaliter ad me missis. Nihil re-
spondi haëtenus; quia imperfectum
erat negotium, procurari à me cœ-
ptum: nihil etiam reddidi; quia
editionem libelli hujus expecta-
bam. Ecce quicquid meruerunt
olim Rerum Domini hîc habes: &
totum hoc tamen verbis absolvi-
tur. Sequetur & Pecuniæ Veteris
Ratio, ad nostram revocata. Nu-
mero, quos alii possident nummos;
& ingenii censu audeo liberalis es-
se. Sed tu quæ mittis volo æstimes:
persoluto pretio, accepisse, nihilo-
minus beneficium erit. Ut rem
scias:

scias : è tuâ etiam officinâ augere Bibliothecam meam constitui. Et alii suam, si ad Encæniam nostra liber librorum commeatus erit. Pergam operam ego dare, ut sit. Sed dabis vicissim hoc amicitiae nostræ, quod obnixè peto. Ex itinere rectâ ad Arcem nostram venies; & hospes meus eris. Venies, inquam, & Germanum candorem invenies. Meo utêris lare : ita enim tuum mihi patêre intelligam. Utar aliquando tuo, si meum non neglexeris. Vale.

EPISTOLA LXXII.

Antuerpiam.

HVGONI GROTIO, V. C.

IN communi Bonorum omnium gaudio, Clarissime Vir, segnem esse calamum meum non sino. Ut amicum me ostendam, scribo, & hoc benevolentiae signo tuum pariter audeo affectum provocare. Carcerem si cum morte comparas,
I
videri

videri possis ex te jam natus esse, salutem & libertatem à teipso adeptus. Evadere, parum erat; GROTIUM decebat ingeniosè evadere. Et quantò hoc pulchrius, quàm liberari! quantò laudabilius, suo ingenio, quàm alieno suffragio salvum esse! Ut nihil cuiquam deberes,

----- *mediis elapsus Achivis,*

te tibi vindicasti : liberari autem non poteras, nisi ut grave esset beneficium, quod ab inimicis accepisses. Sed quomodò acciperes? nullum expectabas. Carceri, non morti mancipatus eras, ut sæpiùs morerèris : sola te sævitia vivere voluit, sed ne inter vivos esses. Quid igitur? hac ad vitam viâ redeundum erat : moriendum sæpiùs, ut tandem viveres, ac liber esses. Aperuisti exitum, ubi clausa omnia erant : & quis crederet in cistâ hominem latitare? Sic elatus, videri funus poteras, nisi quod è sepulchro veniebas.

EPISTOLARVM APPARATVS. ISI
veniebas. Mirentur omnes: totus
in cistâ GROTIUS non erat: in cistâ
corpus, in navi cista, in amne navis;
in his omnibus, & extra hæc om-
nia esse mihi visus es: mundum im-
pleveras. Itaq; custodiri in carcere
corpus tuum potuit, ingenium non
potuit. Clausus muris, cinctus cu-
stodiâ, obsessus satellite, ostendisti
in ipsis te angustiis liberum esse,
nullum Virtuti obstaculum objici.
Maecte Vir Magne, plus paucis ho-
ris fecisti, quàm toto triennio pas-
sus es, eorum elatus manibus, qui
maximè custodire annisi sunt. To-
tum esse libros crediderunt onus,
nec falsi: tuo enim ingenio Biblio-
theca constat. Ergò doctum omnes
clarumque dicunt: ego fortem,
non salute tantum, sed gloriâ &
æternitate dignum. Nónne scripsi-
sti antè quod alii fecerant? scribent
alii quod nunc fecisti ipse, cum
Dædalo velut comparandus. Illum

alæ, te libri ex carcere extulêre, tan-
quàm alæ : ille simul eduxit filium,
sed ut perderet; tu reliquisti conju-
gem, sed ut servares. quippe ferre
carcerem illa tuum non poterat;
suum jam, te salvo, potest. O verum
conjugium, sic disjungi ! Læta est,
quòd libera esse desiit: certè digna,
ut in libertatem veniat. Confide,
veniet ; nec ullum declinabit exi-
lium, quæ carcerem non exhorruit,
Patriam in exilio, quia maritum,
habitura. Agnoscis ipse, non esse
Patriam, quam fugias ; fugiendam
esse, quæ se novercam fecit. Exi-
lium carcere melius est : evadere è
carcere non potuisti, nisi ut in exi-
lium ires. Respice miseræ tuæ sce-
nam : qui amici, hostes erant ; ut ad
hostes, tanquàm amicos te confer-
res. An Themistoclem propono ?
ad Xerxem ivit, in Athenienses
suos non peccavit ; Athenienses in
Themistoclem. Sed exemplis nolo
agere;

agere; rogo potius, ut tuum inter exempla venire nomen patiaris. Scipionis jam morituri, & semper victuri dictum est, an exprobratio? *Ingrata Patria, ne ossa quidem mea habes.* Expende, quid feceris, & quid passus sis; merita, & præmia: Boni omnes quemadmodum explorata, utraque habent; ita favere libertati tuæ, studere commodis & incolumitati non desinent. Sed quid est? ingenio transcendisti communem hominum conditionem, ut Fortunam, & quicquid hinc pendet, generosè despiceres. Itaque conquerantur alii, se post naufragium nudos esse, & opibus excidisse; tu in te opes omnes habes, nulli injuriæ, nulli violentiæ obnoxias. GROTIUS es, Magnus es, & hoc satis, ut intelligas, nihil tibi deesse. Patriam si amas, *Hic amor, hæc Patria est:* ejusdem cæli benignior serenitas, ejusdem Soli amœnior ubertas, eo-

rundem hominum tranquillior status. Quid se jactant unius alteriusve provinciæ populi? & nos Belgæ sumus, liberi sumus, sub uno Principe, sed quem Patrem appellamus. Aliud frenum, aliud jugum est: regimur, non affligimur, &, ut discordia exulet, multorum imperium averſamur. Omnis Antiquitas clamat: Εἰς κέραν & ἔσω, Εἰς βασιλῆς: imò tua nobis Fortuna clamat, nullam, ubi populus furit, sine discrimine stationem esse; nullum sine naufragio portum, ubi divina omnia & humana colliduntur. Quæ iræ! quæ odia! Vbi quies, aut felicitas? Quantum aquarum, tantum ubique ignis & incendii est: furiis ardere dixerim ipsam illud mare. Te Deus eripuit, mentem & consilium suggessit, quo salvus esses. Quid restat? hoc age, ἔπερθεω. Is servabit porro, & quemadmodum, elusis inimicis, in libertatem te asseruit;

seruit; ita securum deinceps ac felicem præstabit. Sic voveo, teque videre, cupio & amplecti. Veni, non longa via est, & in hac Arce & amœnitate vigorem cape: dices te in Parnasso respirare. Offero dexteram, & eam hospitalem, offero officia, quæ à vero amico expectari possunt.

Εὐχέσεις δὲ με πᾶσιν ἐπ' ἐργασίῃ,
ὥσπερ ἀπεφθόν

Χρυσὸν, ἐρυθρὸν ἰδεῖν τεύχεόμηνον
βασάνῳ.

Vale, & quod iterum rogo, veni.

EPISTOLA LXXIII.

Vescitionem.

IO. IACOBO CHIFFLETIO,

v. c.

Litteræ mihi tuæ, tanquam deliciae fuere: ut omnia dicam, quia tuæ. Vidi, non quidem vultum, sed animum illius, qui nulli

jam ignotus est, & apud omnem posteritatem loquetur. Excellens es, & ut Homeri illud usurpem,

----- πολλῶν ἀνθρώπων ἄλλων.

Excellens Virtute, Doctrinâ, Humanitate. Virtutem quidem & Doctrinam publicè laudare possum, ac debeo; Humanitatem etiam privatim. Ecce scribis, affectum promissis, & honorem studiis meis habitum is, tanquàm tua agnoscas. Attollor ecce, quia dignus tam bonâ amicitia censeor: quia quem docti omnes in pulcherrimis monumentis, ego in litteris ad me missis lego. Ergò lucem capio, & suavissimâ voluptate fruor: perfundor amoris tui radiis, ut si ingenio meo nequeam, tuo beneficio inclarescam. Sed Vrbes & Regiones illustras; quidni & Amicum possis? Sæcula caligine liberas; quidni & hominem unum? quem profectò, quia tuum, etiam felicem reddis. De
Fratre

Fratre nihil dico: talis est, ut si tu permittas, vocare fratrem velim. Quare in contubernio meo sic erit, tanquàm & in ingenio meo sit: pars non Laris tantum, sed animi: quem consecratum tibi volo. Vale.

EPISTOLA LXXIV.

Lucemburgum.

ÆGIDIO BEVETIO,

Quæstori Regio.

Affectum meum ut æstimes rogo: id enim ago, ut tuum merear. Beneficiũ petiturus, ignotus esse non debeo; sed non amari, id verè est non nosci. Siquid Litteris tribuendum, eas tracto; in tuum quoque conferre honorem paratus, ut verè amare videar. Virtutis & Fortunæ à te ipso ornamenta habes: illa Famæ aliunde admittes. Et quid pulchrius, quàm in ore & oculis hominum esse, cùm ipsa vita pulchra

pulchra est, laude digna, à labe aliena? Vt aurum splendeat, die & Sole opus: ut Virtus & Fortuna, encomio, velut jubare. Sanè quicquid in obscuro est, propemodum non est: nam quia ignoratur, sterilem fructum privatâ duntaxat voluptate abscondit. Tu quæ agis publica sunt; & quia benè prudenterque agis, celebrari digna. Ego an id possim, nescio: conabor saltem, quasi possim. Sed posteritas cum intelliget, tuo quoque favore Litteras sterisse, de reliquis Virtutibus non dubitabit. Sic nunc igitur tanquàm non ignotus, peto beneficium: & tanquàm amatus, expecto. Beneficium, sed pecuniarium; ab Amplissimis Ordinibus ante annos aliquot promissum, ante menses decretum. Quicquid id est, meum appellare non possum; nisi acceptum humanitati tuæ referam. Moram deprecor, quæ

Quæsto-

EPISTOLARVM APPARATVS. 159
Quæstoribus solennis est, facies
numerando, quod fecerunt Ordines;
donabis. Vale.

EPISTOLA LXXV.

Antuerpiam.

C A R O L O C O T T Æ

Suo.

ACcepi munus, metalli pretio
& splendore pulchrum; quod
apud me velut animi tui cimelium
sanctè conservabitur. Suavius inter-
dum vinum erit, sic haustum;
quia non magis mero, quàm amore
tui nutriar, quoties bibam. Tan-
quàm aurum, tanquàm vinum,
COTTÆ mei nomen erit, & suavif-
simam vitæ morumque imaginem
ingeret. Tu verò etiam post mu-
nus, mittes interdum ad nos ani-
mum, mittes sermonem; quem
cùm non audiam, legam. Linguae
officium manus usurpabit. Sed
quod

quod exigo, præstare ipse cupio :
 atque hoc nunc auspicium est. Aus-
 picium, inquam, salutis, & gratiæ,
 ab amico, & vero. Quemadmodum
 dare munus, quàm accipere majus
 est : ita, ut liberalitati tuæ par sim,
 audebo gratus esse. Gratus autem,
 si beneficium æstimem. Ita quia
 debebo semper, semper dare vide-
 beris, quod semel accepi. Vale, &
 uberiores à me litteras expecta, sed
 robustiore. Valetudo enim vacilla-
 bat. Mei salutem apprecantur. Ite-
 rum vale.

EPISTOLA LXXVI.

Bruxellam.

HENRICO LANCELOTTO,

*Ordinis Eremit. D. Augustini
 Theologo.*

PRæclarum doctrinæ, pruden-
 tiæ, pietatis tuæ testimonium
 hoc munus est, quo censuram non
 unius

unius Provinciæ geres. Videbit
 Germania virum, dignum majori-
 bus etiam infulis: & jam retinere
 volet, quem semel vidit: sed nos re-
 petemus, quem inviti dimittimus.
 Redibis ad Belgas, quia tuos; nus-
 quam magis colendus, quàm à tuis.
 Erit hîc etiam quod lustres cen-
 seasque, quod restituas ac regas, si
 Germaniæ fatum ad ipsum usque
 Oceanum extendatur. Tuum erit,
 victoriarum sequi vestigia: erigere
 pietatis trophæa, ubicumque Hæ-
 resis cadet. Cadet autem, aut me
 omnia fallunt, & quæ mare præxi-
 mum tenuit, suis in aquis sepelie-
 tur. Coactæ sunt copiæ, στρατιῶνς,
 sed ille ἀσφαλὴς venit: non sine bel-
 lo tantus apparatus erit. Hem,
 quando vincemus, si jam non pu-
 gnabimus? Discent tandem adver-
 sarii majores Regis vires esse, quàm
 ut contemni possint. Paci cedere
 noluerunt; armis cedent, quia po-
 tentio-

tentioribus : cedent Deo ; is pugnabit , imò is vincet , priusquam pugnaturi sumus , & ad conditiones summam belli deducet. Tu feliciter abi , celeriter perface quæ agenda sunt , ut tempestivè nobis adsis , & pari potestate max Bataviam adeas. Voveo , & ut prosperum iter sit ! Quod ad amicos attinet , nullos in urbibus illis , quas nominas , habeo : quidni alioquin libenter scripturus , occasione tam amicè oblata ? Hoc age igitur , & tuos mihi concilia. Mei erunt , si intelligent , tuam à me doctrinam , prudentiam , pietatem maximè coli. Vale.

EPISTOLA LXXVII.

Gotham.

IOANNI WEITZIO, V. C.

G Eminâ , mi WEITZI , scriptione rapuisti hunc animum : adstrictâ , & solutâ. Sentio , sentio vincula ingenii tui ; & magis etiam amo-

EPISTOLARVM APPARATVS. 163
amoris. Sed verè ostendis te do-
ctum esse, qui tam benignus es; qui
postquam accusare me silentii po-
teras, novis maluisti litteris provo-
care. Quid dicam igitur? Humaniti-
tati tuæ obnoxius sum, omnem pa-
ratus amoris legem atq; arbitriam
subire. Vnde si pertinaciori ἀπειθείας
vitio peccasse videor, tuâ
malo veniâ, quàm meâ excusatione
pœnam declinare. Hoc quoque
amoris est, peccanti ignoscere; gra-
tiusque officium, quod post deli-
ctum venit. Silentium, delictum
est: scribere debui, quia provocatus.
Magis nunc debeo, quia filius.
Sed crede: delictum in supplicium
commutatum est. Crucior animi,
atque vereri incipio, ne, quem tam
humaniter compellasti, inhumana-
rum iudices, atque adeò superbiæ
vicinum. Ego verò, si quisquam
mortalium, à gemino hoc vitio
alienus sum, φιλανθρωπίας & mo-
destiæ

destiæ candidatus. Quid homine dignius, quàm se hominem nosse? corporis & simul ingenii imbecillitatem expendere? Nihil sumus, parum scimus; & ut quis multa discat, plura tamen ignorabit. Alios opinio, alios error mergit: nemo tam felix, ut totam mentis caliginem discutiat, ut sine fumo flammulam ingenii accendat. Quando minores cælo sumus! & hoc tamen nubes sub se noctesque suas, ut sic dicam, habet; serenum, ut interdum inhorrescat. Insaniæ *τεκμήριον* est, hominem, cum miser sit, superbum esse; cum cæcus, in mediis quodammodo Cimmeriis diem moliri. Si hic litterarum fructus est, malo rudis & indoctus esse, & tranquillo fato ignorari. Tibi, Clarissime VVEITZI notus sum, & obscurus esse non possum: tu me amare perge, & non perituros famæ radios inveniam. Perge, inquam, ut cœpisti,

EPISTOLARVM APPARATVS. 165
pisti; non me tantum, sed & filios
tibi meos mancipaturus. Tenelli
adhuc sunt, sed robustum jam affe-
ctum conceperunt. Tui sunt, ut me
esse dixi, & pulcherrimo carmine
tuo excitati, hoc jam sedulò agunt,
ut gratiam aliquam referant. Vale.

EPISTOLA LXXVIII.

Lugdunum Bat:

PETRO SCRIVERIO, V.C.

ET Doctrinam & Humanita-
tem tuam, Vir Clarissime,
αἰδέομαι σε καὶ χάρις. Doctrinam, quā
æternus es, & de omnibus bene sæ-
culis mereris: Humanitatem, cūjus
in me radios peculiari affectu deri-
vas. Alia alias à te munera, nunc
Martialem, & Senecam Tragicum
accepi: aurum, inquam, tuis gem-
mis exornatum. Lucet igitur tuis,
mi SCRIVERI, gemmis, magnoque
ingenii pretio, quod exornas au-
rum, tuum facis. An satis? & me

m

tuum.

tuum. Hunc nexum non agnosco
 tantum, sed profiteor; daturus in
 posterum operam, ne ignorare vi-
 dear, cui obstrictus sim. Nunc ge-
 minum istud *συνταγματικόν* cape: al-
 terum De Pecuniâ, alterum De Sti-
 pendio Romano. Si hæc verò ratio
 placet, scire licet, quantum habue-
 rint, qui potentissimi; quantum
 meruerint, qui bellicosissimi olim
 fuerunt. Tamen quasi præter mo-
 dum hætenus liberales fuerint Viri
 Docti, Martis inprimis miraberis
 præmia, ad nostræ quasi militiæ
 modum accîsa esse & imminuta.
 Nulla hodie sint, ut pacem habe-
 mus! Pacem, inquam, pacem, post
 inducias, quæ à barbarie ad huma-
 nitatem ducit animos, & suavissi-
 mo amicitiae fructu beat. Sed nos
 tamen, si novo omnia bello inhor-
 rescant, Litterarum causâ inter
 nos amemus, non sensuri publicè
 arma, si studia privatim amplecte-
 mur.

EPISTOLARVM APPARATVS. 167
mur. Ego quidem sic animatus
sum, & ero, dum erò, ut tuus sem-
per sim, & frui ingenii tui monu-
mentis pergam. Sic vale.

EPISTOLA LXXIX.

Bruxellam.

IO. IACOBO CHIFFLETIO,

V. C.

A Ccepi munus, & ingenio tuo,
& liberalitate pretiosum. Ci-
uitatem donas, hanc scripsisti: &
donare potes, auctor, & sic velut
conditor es. Nimirum gubernare
Vrbem, tibi satis non erat; illustra-
re, imò tuam facere voluisti, ut sic
omnium, & mea quoque esset; ma-
gis autem libera, quia omnium,
quia mea. Scimus, te docente tan-
dem, quâ origine libertas vestra
constet, quo se capite Sequani ja-
ctent. Sed obsecro, cum ob unum
seruatum civem corona olim data
fit

fit; ob civitatem, quæ te præmia manent? Vt quamdiu Civitas erit, lauderis, coroneris semper, & cum Duillio illo Romano, imaginem quotidie usurpes perpetui Triumphi. Arx te Regia expectat, ego voco. Venies, rebus compositis, & in Palladis sinu respirabis. Hauriet illa radium aliquem, & gaudebit excepisse virum, qui populos urbemq; claras reddit: ego quem amo & suspicio, coram venerabor. Vale.

EPISTOLA LXXX.

Antuerpiam.

GEORGIO OSSÉLINSKY,

Regis Poloniae ad Magnæ Britanniae

Regem Legato.

INgens hoc humanitatis signum est, Illustrissime Vir, adhuc in mente tibi Puteanum esse, Litterarum alloquio dignum adhuc censer. Equidem glorior, & me felicem

cem dico. Nam ut semper meus esses, semel factus es : nunc ostendis, quàm olim me amâris. Atque utinam igitur te videam, complectar, venerer coràm ! In reditu id audebo sperare : rogare quoque, vel Urbis & Academiæ hujus causâ. Indulge luminis tui jubar ; & invise loca , quæ studiorum scio causâ semper tibi cara erunt. Ostende te crevisse : hinc semina aliqua sunt. Virtutibus inclytus es, qui honores omnes stirpe & nobilitate promerueras. Sed Legatum esse, à Rege ad Regem mitti, nōne eximium est? Sanè prudentiâ tuâ , & facundiâ opus erat, ut ardua quæque negotia rectè tractarentur ; ut apud prudentem, facundum imò doctum orares. Ita dico, & gloriæ cultum Magno Magnæ Britanniae Regi tribuo: quem à me tamen læsum esse, falsò nuper aliqui suspicati. Mihi omnia sceptrâ sacra sunt : omnem

adoro Purpuram : & quidni illam
 sapientiâ fulgentem? Ecce de famâ
 meâ actitatum est : & hanc nunc
 humanitatî tuæ commendo. Nosti,
 & prorsus exploratum habes inti-
 mum affectum meum , quo lucu-
 lentissimas ingenii dotes in eo sem-
 per Rege colui, quem philosophari
 potuisse, magis posteritas admira-
 bitur. Vale : & quem olim audisti,
 ama ; quem amasti , nunc obstri-
 ctum habe.

EPISTOLA LXXXI.

Dolam.

ANTONIO BRVNO, V.C.

NOvo, sed ingenti thesauro di-
 vitiaæ meæ crescunt ; Elegan-
 tissime Virorum , quem manu &
 mente advehis. Amor ille tuus eru-
 ditionis thesaurus est, & me opu-
 lentum facit : bonorum cumulus,
 tanquàm sapientiâ muniar. Ruat in
 me fortuna sævior , lætus semper
 ero:

ero : minetur calumnia , clarus esse non desinam. Quia tuum me vocas, tua me involvet virtus, & majorem omni fortunâ faciet ; imò tua me extollet fama , & terram, tenebras , tempestatem ignorabo. Orestis illud apud Euripidem usurpare libet :

Φεῦ, ὅτ' ἐστὶ κρείσσον, ἢ φίλον σαφές.

Tu tamen sic ad me scribis , non quasi deferas amicitiam , sed quasi ambias , blandiente quadam famæ aurâ impulsus. Nimirum ut bis humanus esses ; & tui dissimulando ingenii dotes , quas non sine miraculo possides , & transferendo in amicum , quas dissimulas. Quæ enim ista verba sunt ? BRVNVM in *collactaneis infantium* consenescere ; PVTEANVM inter *Summos Palladis mystas* esse ? Ingenuè dicam : aut eras, aut deceptus es ; & hoc potiùs. Nam profectò CHIFFLETII Acharis tui exemplum, quàm tuum se-

qui iudicium maluisti. Ille amare se ostendit : nefas tu putasti , eundem affectum non usurpare. Ego verò illum amo , quia amore dignum invenio : te invenio , quidni amem ? Leve hoc verbum est : colere , & venerari pergā , novos semper thesauros inventurus. Scin' etiam ? Solem omnes æstimamus , sed serenum cupimus : tu quoque fac extra doloris nubem nobis luceas. Vale.

EPISTOLA LXXXII.

Antuerpiam.

CAROLO COTTÆ

Suo.

VEgetum me jam litteræ tuæ robustumque invenerunt, etsi minùs otiosum. Sic vivo, ut occupari semper debeam; imò si occupor, ut similis nihil agenti sim, & nunquam tamen non impediar.
Quic-

Quicquid sit , sepono omnia , & tanquam vacuum ad te manum feram , scribo. Etenim tam amicè provocas, ut non possit sine piaculo silentium esse ; non sine inhumanitate dilatio. Sed obsecro , cur non familiarius mecum ? Non litteras, sed delicias mittis , & cum nimis Scriptionem meam extollis , agnoscere non videris quàm facili & familiari calamo utar. Hoc est profectò loqui, laborem non adhibere; hoc est amare, sine pompâ loqui. Sermo omnis meus nudus est : si pulcher tamen , naturam repræsentat. Malo, ut omnia dicam , candidus, quàm ornatus esse; Amici personam , quàm docti in epistolâ sustinere. Et nōne satis doctus , qui amicus est ? qui, ubi alii laborant, ludit ? Laudare noli, quod nimis facile præsto ; æstimare noli, quod debeo ; denique rogare noli, quod cupio. Oris officium nemo benefi-

m s . cium

cium putat : at ego tanquàm lo-
 quar, scribo : ideoque vicissim ele-
 gantissimâ facilitate tuâ capior. Ut
 excurras rogo-, imò ut paullisper
 etiam apud nos sis, sed amœnitatis
 causâ. Non longa via est : mox
 Antuerpiam recurras , in Italiam
 tempestivè profecturus. ~ Carmen
 hoc vide : bonum , an malum sit,
 nescio : ego tamen tanquàm non
 malum mitto ; tu fortassis , quia
 meum, bonum dices. Vale.

EPISTOLA LXXXIII.

Coloniam Vbiorum.

HERMANNO MYLIO,

Celeberrimo V.

ANte dies pauculos litteras tuas
 accepi , Celeberrime Vir , &
 oblatam esse occasionem gavisus
 sum, quâ & mererer affectû tuum,
 & meum explicarem. Sed profectò
 facilis inter bonos amicitia est :

MYLIUM

MYLIVM te esse, hoc satis, ut omnibus notus, mihi etiam carus sis; cum sciam nec virtutem, nec doctrinam ab hoc nomine abesse. Vnde quemadmodum compellari suave est: ita occupari, amicum puto. Et quantillum hoc onus? Non equidem queam ad beneficium libentio rem aut manum, aut operam extendere. Verum enim vero non tam felix, quam promptus fui. IUSTEMONTIYS enim ille in his oris inveniri non potuit: fuisse autem alii indicant, sed in Galliam, & inde fortassis in Italiam discessisse. Fasciculum igitur remitto. Post Serenissimi Principis nostri mortem quid de pace aut induciis sperandum sit, nescio. Coactæ sunt nubes, novam daturæ tempestatem, nisi Deus avertat. Hic te, mi MYLI, servet. Vale.

EPISTOLA LXXXIV.

Ruramundam.

HENRICO BONERO

Suo.

Petatus ille non tulit ad me litteras tuas, mi BONERE, sed misit. Scribo igitur, ut si veniat, meas inveniat. Votum tuum est, ut me videas audiasque: & meum, ut vicissim te, post tantum interval- lum. Suave erit, totius itineris suc- cessum, quæ tristitia, quæ læta acci- derunt, intelligere. Et nōne utra- que hīc fortuna ludit? Sed hoc est peregrinari. Iactatus es, ut magis patriam ames; incidisti in malos, ut ipse semper bonus sis, & subsidia vitæ in virtute ponas: denique lu- strasti Italiam, ut ubique eam ha- beas, si ut doctior, prudentior, me- lior evaderes, lustrasti. Nunc quid agis? Quiete & otio frui potes; sed

sed profectò Ἔ ἐργάσεσθαι ἄμεινον.
 Moribus deinceps & vitæ ratione,
 ostendes , quid hæctenus egeris.
 Breviter συνοδαιῶ ἐστο, illud Pytha-
 goræ dogma ante oculos semper
 habeto, quod aureum planè est, di-
 gnum publicè proponi : Δεῖ φυγα-
 δεύειν πάντα τρόπον καὶ ἐκκρόπειν τὴν
 νόσον ἀπὸ τοῦ σώματος, τὴν ἀπαιδευσίαν
 ἀπὸ τῆς ψυχῆς, τὴν ἀσέλγειαν ἀπὸ γα-
 στρος, τὴν γαίον ἀπὸ πόλεως, τὴν διαφω-
 νίαν ἀπὸ τῆς οἰκίας, καὶ κρινῆ ἀπὸ πίν-
 των Ἔ ἀκρατές. Si & Latinè vis, adjì-
 cio : *Fugare modis omnibus oportet Ἔ
 refecare, morbum à corpore, inscitiam
 ab animo, libidinem à ventre, seditio-
 nem à civitate, discordiam à familiâ:
 in summâ, intemperantiam ab omni-
 bus. Plura non scribo : te amo, vi-
 furus, si temporis ratio, quæ adhuc
 dubia, permittet. Vale.*

EPISTOLA LXXXV.

Lutetiam.

PETRO BERTIO,

V. C.

NOmen tuum ut vidi, Clarissime Vir, ex osculatus sum. Nolo amoris materiam à laude colligere: Virtus cum encomium superat, rectius colitur, quam extollitur. Parvus admodum & obscurus sum, nisi magnitudinem & lumen famæ tuæ intelligam. Exurgo ipse, ut intelligere videar, quia tam benignas ultrò ad me litteras mittis. Sic scribis verò, non tantum ut esse te Amicum ostendas; sed & fuisse priusquam scriberes: tanquam pergas, non incipias. Quare vinculum amicitiae voto tuo metior. Quoties mittere voluisti litteras, accepi; & ex quo amari cœpi, compellatus sum. Qui amoris causâ non scribit,
nec

nec scribit : imò quisquis amat, scribit. Præstantissima simul expendo ingenii tui monumenta : quicquid publicè legi , scriptum mihi censui; idem erudientis, & amantis officium esse. Studiorum conjunctionem nōne agnoscis? agnoscis animorum. Religionis nōne accessit? hæc jam muta esse non potest. Mittis epistolam, sed officiosam; testaris animum, sed sincerum; commendas adolescentem, sed affectu tuo dignum. Amo epistolam, æstimo animum, exspecto adolescentem; quia bonæ indolis, quia boni Patris filium, denique quia à te commendatum. Cum filiis meis erit, & sic tanquàm filius: iis etiam conditionibus, eo sumptu, quem circumscribis. De Galliæ rebus, ad tranquillitatem inclinatis, libenter audiui: nostræ post obitum Optimi Principis nutare videbantur. In regimine nihil mutatum.

Copiæ,

Copiæ, nuper coactæ, educuntur, ni fallor, dividendæ. Quid si igitur pars in tutelam provinciarum nostrarum & finium eant, pars in Palatinatum? Nisi conficiamus bellum, ubi cœptum erat, malè incipiamus, ubi resederat. Adhuc quiescent Batavi, si non laceissentur: Germaniæ autem fatum Iuliacenses & Clivenses mox involvet, pacemque Belgis faciliorem dabit, aut bellum Regi nostro felicius. Sed hæc in Dei manu sunt, qui te, Clarissime BERTI, valentem vegetumque diu servet. Vale.

EPISTOLA LXXXVI.

Lovanii.

Serenissimo Principi

WOLFGANGO WILHELMO,
DUCI NEOBURGICO.

ALbo hunc diem calculo notavi, quia ad tam benignum affatum

tum admissus, Serenissimam tuam vocem, quæ aliquid homine majus habet, haurire potui. *Æstiment alii alia*: hoc mihi maximè instar beneficii est, tam familiariter habitum esse, quasi aliquem jam amoris locum occupem. Quia igitur loqui ausus sum, sermonem sine voce formo, sed tanquàm adhuc loquar: imò mitto sermonem, quem *Historiæ causâ de Io. IAC. MEDICÆO* nuper stilo expressi, cùm res ab eo circa lacum Larium gestas enarrarem. Si admittes, Serenissime Princeps, libellum, ingenii mei specimen consignatum erit: si leges quoque, novam jam ipse *MEDICÆVS* vitam videbitur adipisci. Arcem saltem lustrare, injucundum fortassè non erit: quam & ipsam offero, sed descriptam. Nihil amœnius hoc loco esse, & asseverare ego audeo, & ipsi *PRINCIPES nostri ALBERTVS & ISABELLA* confessi sunt: sed

182 ERYCI PVTEANI

an aliquid loci, id est amœnitatis, stilus, sive descriptio habeat, Serenitas tua judicabit : cui cultum meum obsequiumque nunc etiam calamo devoveo. Vale.

EPISTOLA LXXXVII.

Montes Hannoniæ.

FRANCISCO WITEBORTIO,

Consiliario Regio.

Calamum sumpseram, ut scriberem; & ecce alteræ tuæ redditæ sunt; quæ veniam iterum, ubi nulla fuit culpa, poscunt. Siccine apud me? Laxo tibi pectus meum, ut merum candorem videas. Et an ullus suspicioni locus sit? Populi mores Amicitia nostra non respicit, nec superfluis ullis officiorum deliciis alligatur. Excusare præproperum discessum tuum potui, priusquàm scriberes: te amare vellem, licet peccares. Sed hoc in te
verbum

verbum non cadit. Animi rectus es, & quemadmodum in publicis virum te ostendis; ita in omnibus tui similis es, non frustra nuper plenius à communi amico nostro elogiis affectus. Quantum igitur Virtute tuâ ille vitiorum osor delectatur, tantum ego Reipublicæ & Iustitiæ gratulor: quam administras, non fines vacillare. Tuum erit, ut cum Homero dicam, *αἰὲν ἀεὶ σέθεν*, viam sic etiam sternere ad altiora. Non hîc consistunt vota nostra. Ex Academiâ dimissus es; ut in Curia aliquando summus esses; radios deinde famæ tuæ ad Academiam remitteres. Non ubique ridet forum, scio. Sed amœnitatem in te semper invenies. Interdum ad litteras quoque; velut delicias eundum est: colligendus animus, ut in Curia & curâ vegetus sit, sine tristitiâ severus. Cum Litteras commendo, me simul insinuo; ut quoties

n 2

latus

lætus eris, Puteanum tuum cogites; quoties tristis, studia admittas. Etiam in meis hanc quoque mixturam sequor. Seria velut per ludum tracto; & ludo, tanquàm seriò occuper. Specimen videbis Enchiridion Ethicum, in quo una fortassis parvitas, tanquàm pravitas offendet, si oculis magis, quàm animis legetur. Sic verè homines aliqui hodie sunt: vasta omnia, & pænè inania æstimant; & sui frequenter obliviscuntur. Sed, quantò pulchrius, vel in parvis magnum esse: cum in magnis suis plerique parvi sint; mole, non pretio æstimandi. Ingenium ostendere, quàm laborem Antiquitas maluit, ad famam quàm ad lucrum niti. Nunc profectò, quia in quæstu doctrina est, ingenium instrumentum lucri factum est. Nolo plura; & hæc fortassis nimia sunt. Vale cum suavissimâ conjuge, & liberis.

EPISTOLA LXXXVIII.

Bruxellam.

PHILIPPO CHIFFLETIO,

Suo.

QUàm ingeniosus es, mi CHIFFLETI, tam me profectò amas: nisi potius *αὐτὸσφόρος*, quàm me amas, tam ingeniosus es. An hinc in cælum transisti? nam homine majus est quod scribis. Sic Dii loquuntur, sic Apollo canit. Atque ego istis laudibus, velut alis subvehor, ex Arce meâ ad astra tua feror. Hinc despicio quicquid depressum jacet, quicquid popularis auræ inconstantia atque improbitate volutatur. Et quidni serenus sim? infra me voluisti nubes esse: quidni cælum tangam? Deo vicinus sum. Tuum ingenium, mihi velut numen erit; tuum Carmen, velut palladium; tuum *ὑποθέμενον*, divinum

omnino munus. Et quid amplius dare potuisti ? Vt igitur omnes sciant, quàm ingeniosus sis, videant quàm me ames; imò ut sciant quàm me ames, videant quàm ingeniosus sis. Ego abscondi hunc thesaurum, aut privatum esse non patiar. Vale, & feliciter abi, qui non abis; me ubique inventurus.

EPISTOLA LXXXIX.

Antuerpiam.

FRANCISCO SWERTIO, V. C.

IN Grotianâ hac SILVA, mi SWERTII, videntur omnia esse. Quæ doctrinæ varietas & copia ! quæ sermonis gratia & majestas ! Vt omnia etiam dicam, *μεροῦν ὅδε μῦθος*. Qui ignorant hunc virum, hinc noscant, ut fateantur, quod nomen indicat, verè Magnum esse, & totâ Apollinis luce splendere. Scripsit autem ad me Epistolam nuper, quam ego thesauri loco habeo,

beo, tu pariter tanquàm aurū admireris. Quòd si exemplar cupis, mit-
tam. Benignus autē in me VECTIA-
NVS tuus est, qui cūm exigere A-
morem possit, mavult petere, & ut
amplius me obstringat, verecundē.
Malē me humilem putat, si ad
gratiam & benevolentiae munia
difficilem. Ecce patet animus hic
meus, & tanquàm mare, recipio
omnes amnes. Mare, sed tranquil-
lum, & perpetuo velut oleo perfu-
sum: amnes, sed puros, & à virtutis
& doctrinae fontibus defluentes.
Quid dicam? vehit virtutem ipsam
& Doctrinam VECTIANVS: & qui
à BARBERINO venit, à miraculo
venit nostri ævi. Amabit verò παρ-
ρησίαν meam, qui φιλίαν ambit: ego,
ut ostendam quàm amari velim;
non peto Amorem, sed exigo. Vale,
& ab ipso jam bello uberiores
deinceps scribendi materiam sume.

EPISTOLA XC.

Mediolanum.

RAPHAELI MONTORFANO

Suo.

SEpius, mi MONTORFANE, epistolam tuam legi: satis enim non erat, semel sermonem Illustrissimi BORROMÆI haurire. Sic quæ ille dixit, scribis; ut quæ scribis, ille dicere rursus videatur. O linguam! ô calamum! illam dicentis! hunc scribentis! Nullam inquiero, aut per dactyliotheças dispono gemmam; sed profectò hæc à manu tuâ, ab ore Antistitis gemma est, & sola thesaurum facit. Ecce candor meus illustratur; & an alio ad veram famam lumine opus? Illustratur à Sole; & an noctem timeam? Ab-eant, qui offundere tenebras conati: obscurari dies nequit. Egone, ut in illam Purpuram, id est in ipsam

ipsam virtutem, pietatem, doctrinam, aliquid non dicam stilo, sed vel cogitatione designem? tum profectò extremus omnium mortalium sim, hac communi luce & vitâ indignus. Miror mi MONTORFANE, miror, inveniri homines, qui improbis figmentis se oblectent; qui Christianæ officium pietatis violare malint, quàm mihi non obesse. Nemini gravis sum: quid me lædunt? bene de omnibus mereri studeo: quid tam malè gratiam referunt? Si hæc innocentia & candoris præmia sunt, traduci, oppugnari, configi: me etiam nunc petant. Nomen mihi BORROMÆI munimentum est: amorem ejus vel his malis merebor. Sic igitur securus sum; plurisq; facio non agnosci in me culpam ullam, quàm si accusatus non essem. Vale, & hoc age, ut vicissim intelligat Magnus Antistes, quantum non modò jam

amori ejus, sed & judicio debeam. Quid enim? testari judicio voluit, minui amorem non posse. Iterum vale.

EPISTOLA XCI.

Antuerpiam.

ARNOLDO CATHIO,

Societatis IESV Theologo.

QVomodò satis candidissimum amabo pectus tuum, mi Pater? Quia abes, qui semper tamen ades, quid amiserim deprehendo. Veniunt quidem in vicem scriptiunculæ mutuæ: sed illæ nescio quid infra sermonem habeant. Loqui suavissimum est; oculis usurpare quem audis, audire quem amas. Te audio tamen, cùm tam nitidè & Romanè scribis; te video, cùm sic lego. Prorsus animam literæ tuæ habent; vivunt enim & spirant. Te habent: an jam absentem

tem dicam? Ergò & spectavi quæ
 istic solenniter acta sunt, imò verè
 obstupui. Hem, etiam lapides &
 saxa ad numeros moveri! ad cy-
 tharæ sonum in templum exstrui?
 Mira hæc, mira sunt: & alia interim
 Scripsi; illa DIVÆ ASPRICOLLIS,
 non infelici, nisi ipse mihi blan-
 dior, stilo. Specimen vis? ecce ad-
 jungo. Aut fallor, aut hoc pietatis
 auspicio fama reliquis quoque li-
 bris veniet. Senecæ locum divino
 ingenio tuo cedo: tuam amplector
 censuram, meam negligo. Et quid
 hoc est? laudare amicum, cùm pos-
 sis reprehendere? tu plus quàm
 laudas: & quo fine? ut ostendas
 quàm ames. Suave hoc mihi. Ad-
 mitto laudem, quæ amoris causâ
 tribuitur: laudem enim tanquàm
 Amoris tesseram accipio. Vale.

EPISTOLA XCII.

Cliviam.

ELBERTO PALLANTIO,

Decano Clivensi.

Post longum tandem interval-
lum scribo, & humanitati tuæ
molestus sum: illud meâ, hoc alienâ
causâ; & tamen velut meâ. Sanè
debeo scriptionis officium, ut
quantū mereatur ingenium tuum,
intelligere videar: usurpo mole-
stiam, ut ipse bene de propinquis
meis merear. Nosti, nisi fallor, IN-
GENRADIVM sororis meæ maritum.
Is filium majorem natu ERYCIUM
habet, meo nomine: & hoc satis,
ut intelligas è sacro fonte mihi, ut
sic dicam, adoptatum. Gaudeo fa-
ctum: egregiè adolevit; studia &
vitam omni dignam favore com-
ponit, & sic ad sacram togam di-
gnitatemq; jure aspirat. Ego quod à
me

me non possum , per amicos mollior : & quia in potestate tuâ est conferre , quod multi ambire solent , ecce accedo , & pro illo meo intercedo. Ajunt autem Lothemii nescio quod templi munus vacuum esse. Prenfare audeo , & candidatum tibi sistere juvenem , in quo aliquid esse mei , quemadmodum nomen indicat , ita indoles ostendit. Sanè tanquàm ipse accipiam beneficium , debebo : & sic peto , tanquàm libenter collaturus sis. De rebus meis , studiis , statu , velim plura : nunc impediēbar. Video profectò amplius nunc esse scribere , quàm humanitati molestum esse. Vale.

EPISTOLA XCIII.
ADRIANO STALPAERTIO,
Abbati Tengerloënsi.

TANquàm prorsus ego tuus sim ,
voluit hic tuus à me commen-
dari.

dari. Scribo igitur, & liberior, quia ille me talem facit. Cæterum quod humanitatis munus est, & petenti impenditur, pia facilitas tua excusabit: judicabit prudentia, an impendi debeat. Promittit ille omnia, quæ bonum promereri affectum possint. Tanti est, vel beneficio experiri, an bonâ fide promittat. Plura, si adsum (atque utinam adsum!) dicam: vel fortassis audiam, quæ sermonem quoque abrumpant. Quare si capax beneficii hic tuus est, aut erit; satis hæc quæ scripsi: si non, nimia quoque. Ego sanè, quemadmodum tuus esse cupio; ita commendare ausus sum, qui se tuum dicit. Fortassis novo affectu novoque favore voles hunc tuum esse, ut esse me ostendas. Vale, & sic me ama, ut excuses: sic excusa, ut magis etiam ames.

EPISTOLA XCIV.

Bruxellam.

IOANNI STRIGELIO

Suo.

NOva quę accepi, reddo, & ob-
 strictum me significo. Germa-
 nica sunt, & hoc satis, ut placere in-
 telligas. Mirum enim in modum,
 tam masculo sermone, id est ver-
 naculo tuo, delector. Res quidem
 ipsę hoc etiam genio sunt, ac licet
 non omnino ubique in favorem
 melioris causę; aperiunt tamen,
 quid securius credamus. Minus
 fallunt, qui infra verum nostra no-
 bis narrant, quàm qui excedunt:
 tutiusq; attollimus creduli fidem,
 quàm demittimus. Rogo igitur, ut
 ceu Germanum me habeas, vel
 certè facias. Tanquàm sim, peto,
 quę Germanicè in posterum le-
 gam; tanquàm fieri velim, legam
 quę

quæ peto. Tuum erit, ostendere quanti ipse linguam tuam æstimes, si amico eam indulseris; vel amicum, si dignum pulcherrimo idiomate censebis. Mitte igitur, mitte, quæ deinceps me delectent linguæ causâ, & instruant rerum varietate: ego quæ accipiam reddam statim, sæpiusq; me obstrictum significabo. Vale.

EPISTOLA XCV.

Mediolanum.

FREDERICO BORROMÆO, S. R. E.

Cardinali,

Archiepiscopo Mediolanensi.

QUasi ipsemet adsum, sacramque Purpurâ tuam venerer, hujus viri & Amici mei ore loquar. Unus ille è paucis est, CAROLVS COTTA, qui Genti & genio suo junxit, quicquid in Belgis admirantur Itali, aut amant. Etiam in domo & contu-

contubernio meo fuit, sermonum
 imò cogitationum particeps : eâ
 modestiâ & candore, ut Belgam
 dicas ; eâ prudentiâ morumque
 cultu, ut Italum agnoscas. Nemi
 nem vidi, qui magis diligeret Lit-
 teras, aut intelligeret, quo potissi-
 mum cultu inter homines homo
 emeretur. Hinc tuas virtutes suspi-
 cit, & te unum admiratur, in quo
 præter fortunam & dignitatem
 animus maximus est; quia scientiis
 litterisque maximè exornatus. Ad-
 mitte igitur, & audi virum : quic-
 quid scribere possim, dicturus est,
 & Puteanum, quemadmodum ani-
 mo conclusum gerit, sermone ex-
 primet. Imò ama hunc virum, &
 ipse ego affectum tuum sentiam.
 Quid moror? Admittis, audis, a-
 mas : & sic loqui jam desino, ut in-
 cipiam. Vale.

EPISTOLA XCVI.

Bruxellam.

HENRICO HIVÆO,

Ordinis Augustiniani Theologo.

Magnificum Academię nostrę
Rectorem & calamo, & ore
interpellavi. Satis enim non fuit
scribere, nisi insimul loquerer. In-
terpellavi, sed ut bis quid non pos-
sem intelligerem. Etenim Suadę
meę Themidem ille suam oppo-
suit, & rigorem juris; quem non
quidem facinore ullo, sed quädam
perviciaciã in se adolescens hic pro-
vocavit: reus ideò, quia esse no-
luit; dignus severitate, quia aucto-
ritatem contempsit. Hac de re jam
ipsum scripsisse Iudicem opinor:
qui ne omnino commendationem
meam rejiceret, officiosè indicare
voluit, cur non admitteret. Utinam
verò hoc jam exemplo reliqua ju-
ventus

EPISTOLARVM APPARATVS. 199
ventus sapiat ! utinam plures men-
tem Litteris malint, quàm nugis,
ne dicam vitiis, occupare ! Ut vita
& mores quorundam sunt, pænè
elegantia est, elegantias ignorare.
Negotium, in otio & Scholâ dif-
fluere.

Πολλοὶ χολὴν ἄγουσιν εἰς τὰ χείρονα.
Ne igitur inter τὰς πολλὰς Vnus hic
deinceps censeatur, censura ista fa-
ciet : pluris autem id erit, quàm si
plenam libertatem Rector indul-
geat. Vale.

EPISTOLA XCVII.

Venlonam.

IOANNI PVTEANO,

Fratri suo.

PHilosophari incipio, & paulla-
tim fastidire, quæ sine me peri-
re possunt; quæ otiosa, aut non ne-
cessaria sunt. Etiam libri ad hanc
frugalitatem venient, quos è multis
meis

meis seligo, ut paucos, & sic bonos
 habeam; inò si fieri possit, nullos.
 Quam Bibliothecam Socrates ha-
 buit? nullam, nisi quam formaret
 ipse, & sapientissimus tamen esse
 potuit. Quam Diogenes? nullam:
 ut careret omnibus, in dolio habi-
 tavit. Quam tot alii, quorum do-
 ctrinam admiramur? nullam: sine
 libris philosophati sunt: ipsi, ut sic
 dicam, libri, & sic liberi. Quid igi-
 tur? non habebo Bibliothecam, ut
 maximè habeam, & maximè
 meam. Habebo, quam scripsi ipse,
 & quam (si Deus permittet) scri-
 pturus sum. Sanè ut sciam quàm
 dives sim, operum meorum jam
 quoque Catalogum condo, quem
 publicum typis faciam. Omnes vi-
 deant volo, otiosum me in otio
 meo non fuisse. Hi thesauri mei
 sunt, nec fortunæ obnoxii: his vi-
 vam, quando nulla aliorum quo-
 rundam, solis qui se nummis ex-
 tollunt,

EPISTOLARVM APPARATVS. 201
tollunt, memoria durabit: imò his
incipiam vivere, quando multi
moriuntur; de quibus dubites quo-
que, an vixerint. Vale, & ut vivas,
philosophari mecum incipe: ut
omnia habeas, fastidire, quæ sine te
pereunt. Iterum vale.

EPISTOLA XCVIII.

VVeſemaliam.

IOANNI RESIMONTIO,

Pastori VVeſemalienſi.

Qui fui, eſſe pergo, ampliusque
puto, conſtantem, quam A-
micum eſſe; cum revera nemo
Amicus, niſi qui conſtans ſit. Tuus
me olim candor cepit, ſæpiusque
deinde non uno humanitatis offi-
cio obſtrinxit. Seviſti affectum, &
ne intermori poſſit, alis ac foves.
At ego interim quam cupidus, tam
felix non fui, ut in virum optimè
de me meritum reciproca benevo-
lentiæ

lentiæ signa regererem. Rogare igitur audeo, ut cum ad Urbem venies, nos visas; imò ut vel ideo venias. Fortasse nec injucundum putabis, post aliquot annos Putcanum tuum videre; videre Arcem, in quâ totius jam anni amœnitas ridet. Ut scias, quo animo scribam, Carmen istud mittere volui, quod in honorem Tutelaris vestri & scripsi ex tempore, & typis mandavi. Id cum legi in templo Vesemaliensi patieris, videbor ipse preces coram fundere, & summum patientiæ exemplum publicè venerari. Vale.

EPISTOLA XCIX.

Lutetiam.

DIONYSIO GVERINO,

Medico.

TE amo, & filere potui; sed negotio, morbo, itinere, aliterq; impeditus. Amo, inquam, sic in me profusum; imò in libros quosdam meos,

EPISTOLARVM APPARATVS. 203
meos, & ingenii labores. An sic vo-
cem tamen? conatus potius, sive
impetus ætatis & stili. Nondum
quæ perdiscenda erant, didiceram
omnia; & docere ac scribere ag-
gressus sum: sed quàm multa adhuc
ignorem, magis magisque incipio
deprehendere. Pergo tamen docere,
pergo scribere, annis quidem
jam provectior; sed ut amplius
ignorantiam, homini agnatam,
ostendam. Felix interim, quòd tibi
Docto, Claro, Probo, sic etiam non
displiceam: occupaturus tuo elogio
Docti, Clari, Probi nomen, quia
non displiceo. Et quidni igitur te,
ut dixi, amem? Sed accuso ipse si-
lentium meum, ut verè amare vi-
dear: accuso manum, quia animum
non expressit. Vide autem, mi GVE-
RINE: augeo epistolam, & libellum
adjungo; qui non unam ipso argu-
mento epistolam faciet, ac silen-
tium delebit. Vale.

EPISTOLA C.

Antuerpiam.

IOANNI BRANTIO, V. C.

& Graphiario.

SICCINE igitur ELMENHORSTIVS
 noster vivere desit? Μὴ καὶ
 ἀσπιδείη καὶ ἀκλειῶς. Occupavit vi-
 tam, & sic nunquam moriturus.
 Sed quàm multa interrupta, atque
 impedita hærent! quibus ille ma-
 num aut adhibuerat, aut destina-
 verat, non profectò vilem aut ple-
 beam. Testis Apulejus, nitidè do-
 ctèque editus, tuisque imprimis.
 NOTIS pulcherrimè insignitus.
 His, mi BRANTI, primus debeba-
 tur locus: nam meæ duntaxat Va-
 riæ quædam Lectiones sunt; in
 quibus nihil ingenii, parum crudi-
 tionis. Invenient pretium, quia
 cum tuis ponuntur; imò amittent
 rursus, quia anteponuntur. In hoc
 erravit

erravit ELMENHORSTIVS (ignoscant mihi Manes ejus) cineres thesaurum putavit. Quid tamen est? non errasse videri potest. Optima voluit prima, & ultima esse. Pauca & viliora in ventrem libri, ut sic dicam, abdidit. Itaque quemadmodum bene ille de Milesiarum Scriptore, ita & tu meritus es, excepturus famam illius, quia vivis. Magnam jam partem Spicilegii tui legi: Spicilegii, quo vel messem facias. Sed malo hæc apud alios. Tu vive, mi BRANTI, me amare perge, & permitte, ut inter prima nomina tuum colam. Vive, inquam, & vale.

FINIS.

C E N S U R A.

HAs Epistolas, ab ERYCIO PY-
TEANO facili & pereleganti,
humaneq; ac officiosæ mentis affectus
suaviter exprimente stilo conscriptas,
publicâ luce dignas censeo. Datum
Leovani 7. Eidus Majas 1635.

ANTONIUS LOVERIUS,
S. T. Licent. Apost. & Re-
gius Librorum Censor.

SVM-

SVMMA PRIVILEGII.

PHILIPPVS Dei gratiâ Hispaniarum, &c. Rex Catholicus, Diplomate suo sanxit, Nequis ERYCI PVTEANI, Consilarii, & Historiographi, nec non Professoris sui in Academiâ Lovaniensi, Libros, à legitimo Censore approbatos, intra quindecim annos, præter ipsius voluntatem, vel typis suis excudat, vel alibi excusos in has Germaniæ Inferioris ditiones venales inferat. Qui secus faxit, præter exemplarium confiscationem, triginta marcharum auri puri illatione mulctabitur: uti latius patet in litteris, datis Bruxellæ, XIV. Februarii, M. DC. XXI.

Signat

Le Comte.

CAY-

